

詩林韶濩

五

卷十一  
卷十二



詩林韶濩卷第十一目錄

長洲顧 嗣立

天文

唐

八朝洛堤步月

上官儀

奉和春日途中喜雨應詔

魏知古

單于川對雨

蘇味道

奉和春日遊苑喜雨應制

李嶠

奉和人日清暉閣宴羣臣遇雪應制

李嶠

遊禁苑幸臨渭亭遇雪應制

李嶠

詩林韶濩卷第十一 目錄

陪遊苑遇雪應制

李嶠

上清暉閣遇雪

李嶠

奉和洛陽翫雪應制

沈佺期

苑中遇雪應制

沈佺期

苑中遇雪應制

宋之問

奉和春日遊苑喜雨應制

李義

奉和人日清暉閣宴羣臣遇雪應制

李義

陪幸臨渭亭遇雪應制

李義

苑中遇雪應制

李義

遊禁苑幸臨渭亭遇雪應制

李適

一作劉憲

國朝正統  
類選  
宋

奉和人日清暉閣宴羣臣遇雪應制

宗楚客

遊禁苑幸臨渭亭遇雪應制

徐彥伯

奉和人日清暉閣宴羣臣遇雪應制

趙彥昭

奉和聖製同劉晃喜雨應制

張說

奉和聖製野次喜雪應制

張說

奉和聖製喜雪應制

張說

奉和聖製人日清暉閣宴羣臣遇雪應制

蘇頌

遊禁苑幸臨渭亭遇雪應制

蘇頌

扈從溫泉奉和姚令公喜雪

蘇頌

詩韶濩卷第十一

目錄

奉和姚令公駕幸溫湯喜雪應制

蘇綰

和姚令公從幸溫湯喜雪

張九齡

和崔尚書喜雨

張九齡

奉和喜雪應制

徐安貞

夏晚初霽南省寓直

庠狄履溫

和陳校書省中翫雪

包融

奉和聖製從蓬萊向興慶閣道中留春雨中春望之作

應制

李愷

奉和中書徐侍郎中書省翫白雲寄穎陽趙大

儲光羲

奉和聖製從蓬萊向興慶閣道中畱春雨中春望之作

應制

王維

和祠部王員外雪後早朝即事

岑參

曲江值雨

杜甫

省中對雪寄元判官拾遺昆季

錢起

和王員外晴雪早朝

錢起

中書遇雨

錢起

禁闥翫雪寄薛左丞

錢起

和李舍人直中書對月見寄

李端

酬樂天八月十五夜禁中獨直翫月見寄

詩林韶濩卷第十一

目錄

三

李端

和謝舍人雪夜寓直

皇甫曾

樂遊園望月

楊憑

奉和太常王卿酬中書李舍人中書寓直春夜對月見

寄

盧綸

初秋月夜中書宿直因呈楊閣老

權德輿

奉酬張鑑閣老雪後過中書見贈輒加兩韻通簡南省

僚舊

權德輿

省中直夜對雪寄李師素侍御

令狐楚

八月十五日夜禁中獨直對月憶元九  
白居易

八月十五日夜聞崔大員外翰林獨直對酒翫月因懷

禁中清景偶題是詩

白居易

花樓望雪命宴賦詩

白居易

和李十二舍人直日放朝對雪

姚合

長安喜雪

朱灣

令狐舍人說昨夜西掖翫月因戲贈

李商隱

奉和翰林丁侍郎禁署早春晴望

劉得仁

入朝遇雪

李頻

中秋月直禁苑

鄭畋

露

韓偓

詩林韶濩卷第十一 目錄

四

雨後月中玉堂閒坐

韓偓

和諸學士秋夕禁直偶雪

吳融

中秋陪熙用學士禁中翫月

吳融

南唐

和元宗元日大雪登樓

李建勳

春雪應制

徐鉉

禁中新月

徐鉉

和殷舍人蕭員外春雪

徐鉉

秋日雨中與蕭贊善訪殷舍人於翰林座中作

徐鉉

和元宗元日大雪登樓

徐鉉

宋

雪中駕幸敝廬恭紀

趙普

赤日

楊億

秋夜對月

楊億

赤日

錢惟演

清風十韻

錢惟演

清風十韻

劉筠

集英殿賜百官宴以雨放

梅堯臣

內直對月寄子華舍人持國廷評

歐陽修

詩林韻藻卷第十一

五

東閣雨中

歐陽修

和吳沖卿雪霽紫宸朝

王安石

祥雲

王安石

次韻王仲至喜雪御筵

蘇軾

次韻雨絲雲鶴二首

黃庭堅

輦下春晴

秦觀

己丑中秋寓宿玉堂聞沈公雅大卿劉正夫戶部集張

園賞月走筆寄之

范成大

八月二十二日寓直玉堂雨後頓涼

范成大

紫宸殿拜表賀雪

楊萬里

駕幸玉津園喜晴應制

洪邁

金

雪晴呈玉堂諸公

蔡松年

應制雪詩

楊雲翼

雨後

高汝礪

元

明照坊對雨

宋 裴

凍雨晚晴自成物門歸院馬上口占

宋 裴

七月八日晚晴暫出麗正門外

宋 裴

雪夜直宿玉堂

黃清老

詩林韶濩卷第十一

目錄

六

雪中早朝

張翥

壬申元旦大雪二日立春晴景豁然春讌有作

張翥

元日雪霽早朝大明宮和辛良史省郎廿二韻

張雨

明

雪夜宿翰林院呈危宋二院長

高啓

西清對雨

高啓

禁中雪

高啓

詠夏冰

高啓

省垣對雨有懷方員外

楊基

詠冰

楊基

夏日喜雨寫懷三首

金幼孜

和曾學士元日遇雪

錢幹

次西墅學士已亥元日雪

羅肅

雪後早朝

李東陽

十四日雪後朝回史館作

顧清

四月五日微雨免朝與李太史世賢步出皇城門喜而

有作

程敏政

雨中放朝出左掖

文徵明

詩林韶濩卷第十一 目錄

七

闕下詠雪

蔡羽

長安門西道苑牆雨後經眺作

湯珍

春日禁中遇雪

薛蕙

六月八日西關遇雨

薛蕙

雪

薛蕙

中秋禁中對月

楊慎

禁中對雪

陳束

雨中送駕和研岡二首

童承叙

玉河隄上見新月時入直禁中

歐大任

雪夜召詣高玄殿

夏言

禁中對雨

沈一貫

地理

唐

奉和聖製過温湯

楊思玄

奉和春日游龍門應制

武三思

蓬萊三殿侍宴奉勅詠終南山應制

杜審言

奉和驪山高頂寓目應制

李嶠

奉和登驪山高頂寓目應制

李乂

松山嶺應制

宋之問

奉和登驪山高頂寓目應制

崔湜

詩林韻藻卷第十一 目錄

八

奉和登驪山應制

閻朝隱

奉和聖製登驪山高頂寓目應制

趙彦昭

奉和聖製登驪山矚眺應制

張說

奉和聖製途次陝州應制

張說

奉和聖製渡蒲關應制

張說

奉和聖製途中經華岳應制

張說

奉和聖製潼關口號應制

張說

奉和聖製登驪山高頂寓目應制

蘇頲

奉和聖製途經華岳應制

蘇頲

奉和聖製登太行山中言志應制

蘇頲

奉和早登太行山中言志應制

張嘉貞

奉和進船洛水應制

薛昺

薛昺一作孫逖

奉和聖製次瓊嶽韻

張九齡

奉和聖製次陝州作

張九齡

奉和聖製早渡蒲津關

張九齡

奉和聖製途經華山

張九齡

奉和聖製早登太行山率爾言志

張九齡

奉和聖製經函谷關作

張九齡

奉和聖製渡潼關口號

張九齡

奉和聖製次瓊嶽應制

韋濟

詩林韶濩卷第十一 目錄

九

奉和聖製早渡蒲津關

徐安貞

奉和聖製次瓊嶽應制

李林甫

奉和聖製早登太行山中言志

苗晉卿

奉和登會昌山應制

孫逖

和太常韋主簿五郎溫湯寓目之作

王維

奉和聖製登會昌山應制

錢起

一作趙起

退朝望終南山

鄭畋

漢

和蜀後主題劔門

王仁裕

金

渡混同江

蔡松年

元

過居庸關

劉秉忠

過盧溝橋

陳孚

河西務

傅與礪

七月七日同宋顯夫學士暨經筵僚屬遊上京西山紀

事二首

周伯琦

觀輿圖有感

趙沔

大駕度居庸關

薛玄曦

明

詩林韶漢卷第十一

目錄

十

龍沙

朱多炆

車駕渡江

曾棨

駕次江心驛

曾棨

居庸關

王英

車駕渡江

周忱

居庸關

釋梵琦

詩林韶漢卷第十一目錄

長洲顧 嗣立 俠君 類選

天文

入朝洛堤步月

唐上官儀

脈脈廣川流 驅馬歷長洲 鵲飛山月曙 蟬噪野風秋

奉和春日途中喜雨應詔

魏知古

皇輿

一作遊

向洛城時雨應 天行麗日登巖送 陰雲出野迎 濯枝

林杏發 潤葉渚蒲生 絲入綸言喜 花依錦字明 微臣忝東觀 載

筆佇西成

單于川對雨

蘇味道

詩林韶濩卷第十一

天文

飛雨欲迎旬 浮雲已送春 還從濯枝後來應 洗兵辰氣合 龍祠

外聲過 鯨海濱 伐邢知有屬 已見靖邊塵

奉和春日遊苑喜雨應制

李嶠

仙蹕九成

一作重

臺香筵萬壽杯 一旬初降雨 二月早聞雷 葉向

朝濟密花含 宿潤開 幸承天澤豫 無使日光催

奉和人日清暉閣宴羣臣遇雪應制

李嶠

三陽偏勝節 七日最靈辰 行慶傳芳蟻 升高綴綵人 階前冀候

月樓上雪 驚春今日銜 天造還疑上 漢津

遊禁苑幸臨渭亭遇雪應制

李嶠

同雲接野煙 飛雪暗長天 拂樹添梅色 過樓助粉妍 光含班女

扇韻入楚王絃六出迎仙藻千箱答瑞年

陪遊苑遇雪應制

李嶠

散漫祥雲逐聖迴飄飄瑞雪繞天來不能落後爭飛絮故欲迎前賽早梅

上清暉閣遇雪

李嶠一作徐彦伯

千鐘聖酒御筵披六出祥英亂繞枝卽此神仙對瓊圃何須轍跡向瑤池

奉和洛陽翫雪應制

沈佺期

周王甲子且漢后德陽宮麗瑞天庭裏驚春御苑中氛氲生浩氣颯沓舞迴風宸藻光盈尺賡歌樂歲豐

詩林題履卷第一 天文

苑中遇雪應制

沈佺期

北闕彤雲掩曙霞東風吹雪舞仙家一作山瓊章定少千人和銀

樹長芳六出花

苑中遇雪應制

宋之問

紫禁仙輿詰旦來青旂遙倚望春臺不知庭霰今朝落疑是林花昨夜開

奉和春日遊苑喜雨應制

李乂

園林春正歸入暮弄芳菲密雨迎仙步低雲拂御衣危花沾易落度鳥溼難飛膏澤登千庾歡情遍九圍

奉和春日遊苑喜雨應制

李乂

上日登臺賞中天御輦飛後庭聯舞唱前席仰恩輝  
磨作風雲起農祥雨雪霏幸陪人勝節長願奉垂衣

陪幸臨涓亭遇雪應制

李又

青陽御紫微白雪下彤闈  
泐壤流天霈綿區灑帝輝  
水如銀度燭雲似玉披衣  
爲得因風起還來就日飛

苑中遇雪應制

李

又一作劉憲

勝日登臨雲葉起芳風搖蕩雪花飛  
星輝幸得承金鏡颺影還將奉玉衣

遊禁苑幸臨涓亭遇雪應制

李適

長樂喜春歸披香瑞

一作愛

雪霏花從銀閣度絮繞玉牕飛寫曜

詩林韶漢卷第十一

天文

三

銜天藻呈祥拂御衣上林紛可望無處不光輝

奉和人日清暉閣宴羣臣遇雪應制

宗楚客

窈窕神仙閣參差雲漢閒  
九重中禁啓七日早春還  
太液天爲水蓬萊雪作山  
今朝上林樹無處不堪攀

遊禁苑幸臨涓亭遇雪應制

徐彥伯

玉律藏冰候彤階飛雪時  
日寒消不盡風定舞還遲  
瓊樹畱宸矚璇花入睿詞  
懸知穆天子黃竹謾言時

奉和人日清暉閣宴羣臣遇雪應制

趙彥昭

出震乘東陸憑高御北辰  
祥雲應早歲瑞雪候初旬  
庭

一作宮樹

千花發階蕢七葉新幸承今日宴長奉萬年春

奉和聖製同劉晃喜雨應制

張說

青氣含春雨知從岱嶽來行雲避師去灑雨待車迴厭浥清塵道空濛柳映臺最宜三五夜晴月九重開

奉和聖製野次喜雪應制

張說

寒更玉漏催曉色御

一作

前開泱濟雲陰積氤氳風雪迴山如

銀作瓮宮見壁成臺欲驗豐年象飄飄仙藻來

奉和聖製喜雪應制

張說

聖德與天同封巒欲報功詔書期日下靈感應時通觸石雲呈瑞含花雪告豐積如沙照月散似麪從風舞集仙臺上歌流帝樂中遙知百神喜灑路待行宮

詩林韻藻卷第十

天文

四

奉和聖製人日清暉閣宴羣臣遇雪應制

蘇頌

樓觀空煙裏初年瑞雪過苑花齊玉樹池水作銀河七日祥圖啓千春御賞多輕飛傳綵勝天上奉熏歌

遊禁苑幸臨渭亭遇雪應制

蘇頌

平明敞帝居霰雪下凌虛寫月含珠綴從風薄綺疏年驚花絮早春應管絃初已屬雲天外欣承霈澤餘

扈從溫泉奉和姚令公喜雪

蘇頌

清道豐人望乘時漢主遊恩暉隨霰下慶澤與雲浮泉煖驚銀

積花寒愛

一作

映玉樓鼎臣今有問河伯且應畱

奉和姚令公駕幸溫湯喜雪應制

蘇綰

漢主新豐邑周王尚父師雲符沛童唱雪應海神期林變驚春  
早山明訝夕遲况逢溫液霈恩重御裘詩

和姚令公從幸溫湯喜雪

張九齡

萬乘飛黃馬千金狐白裘正逢銀霰積如向玉京遊瑞色鋪馳  
道花文拂綵旒還聞吉甫頌不共郢歌儔

和崔尚書喜雨

張九齡

積陽雖有悔經月未爲災上念人天重先祈雲漢回仁心及草  
木號令起風雷照爛陰霞止交紛瑞雨來三辰破黍稷四達屏  
氛埃池酒因添滿林芳爲灑開聽中聲滴瀝望處影徘徊惠澤  
成豐歲昌言發上才無論驗石鼓不是御雲臺直頌皇恩浹  
朝遍九垓

詩林韻藻卷第十一

天文

五

奉和喜雪應制

徐安貞

兩宮齋祭近登臨雨雪霏霏天晝陰祇爲經寒無瑞色頓教正  
月滿春林蓬萊北上旌門暗花萼南歸馬跡深自有三農歌帝  
力還將萬庾答堯心

夏晚初霽南省寓直

庾夔履溫

薄宦因時泰涼宵寓直初沈沈仙閣閉的的暗更徐霽色連空  
上炎氛入夜除星廻南斗落月度北窓虛待漏殘燈照含芳襲  
氣餘寐來冠不解奏罷草仍書幕府慙良策明曹媿散樗命輕

徒有報義重更難疎燕厦欣成託鵷行濫所如晨趨當及早復  
此戒朝車

和陳校書省中翫雪

包融

芸閣朝來雪飄飄正滿空  
裘開明月下校理落花中  
色向懷鉛白光因翰簡融能令草玄者迴思入流風

奉和聖製從蓬萊向興慶閣道中畱春雨中春望之作

應制

李愷

別館春還淑氣催三宮路轉鳳皇臺  
雲飛北闕輕陰散雨歇南山積翠來  
御柳遙隨天仗發林花不待曉風開  
已知聖澤深無限更喜年芳入睿才

詩林郭漢卷第十一

天文

六

奉和中書徐侍郎中書省翫白雲寄頴陽趙大

儲光羲

青闕朝初退白雲遙在天  
非關取雷雨故欲伴神仙  
泛灩鵷池曲飄飄瑱闥前  
猶多遠山意幸入侍臣篇

奉和聖製從蓬萊向興慶閣道中畱春雨中春望之作

應制

王維

渭水自縈秦塞

一作甸

曲黃山舊遶漢宮斜  
鑿輿迴出仙門柳閣

道迴

一作遙

看上苑花雲裏帝城雙  
鳳闕雨中春樹萬人家  
爲乘

陽氣行時令不是宸遊

一作重

物華

薛蕙祠部王員外雪後早朝即事

岑參

長安雪後似春歸積素凝華連暝暉色借玉珂迷曉騎光添銀燭見朝衣西山落月臨天仗北闕晴雲捧禁闈聞道仙郎歌白雪由來此曲和人稀

曲江值雨

杜甫

城上春雲覆苑牆江亭晚色靜年芳林花著雨臙脂落水苻牽風翠帶長龍武新軍深駐輦芙蓉別殿謾焚香何時詔此金錢會暫醉佳人錦瑟傍

省中對雪寄元判官拾遺昆季

錢起

萬點瑤臺雪飛來錦帳前瓊枝應比淨鶴髮敢爭妍散影成花月流光透竹煙今朝謝家興幾處郢歌傳

詩林韻藻卷第十

天文

七

和王員外晴雪早朝

錢起

紫微晴雪帶恩光繞仗偏隨鷓鴣驚行長信月留寧避曉宜春花滿不飛香獨看積素凝清禁已覺輕寒讓太陽題柱盛名兼絕唱風流誰繼漢田郎

中書遇雨

錢起

濟旱惟宸慮爲霖卽上台雲銜七曜起雨拂九門來綸閣飛絲度龍渠激溜迴色翻池上藻香裊鼎前盃相燕皆舒翼沙鱗豈曝腮尺波應爲假虞海載沿洄

禁闈翫雪寄薛左丞

錢起

玄雲低禁苑飛雪滿神州虛白生臺榭寒光入冕旒粉凝宮壁

靜乳結洞門幽細繞迴風轉輕隨落羽浮想滿堆砌石新月  
簾鉤爲報詩人道豐年誦聖猷

和李舍人直中書對月見寄

李端

名卿步月正淹留上客裁詩怨別遊素魄近成班女扇清光遠  
似庾公樓嬋娟更稱憑高望皎潔能傳自古愁盈手入懷皆不  
見陽春曲麗轉難酬

酬樂天八月十五夜禁中獨直翫月見寄

李端

一年秋半月偏深况就煙霄極賞心金鳳臺前波漾漾玉鉤簾  
下影沈沈宴移明處清蘭路歌待新詞促翰林何意枚舉正承

詩林韶慶卷第十一

天文

八

詔警然塵念到江陰

和謝舍人雪夜寓直

皇甫曾

禁省夜沈沈春風雪滿林滄洲歸客夢青瑣近臣心揮翰宣鳴  
玉承恩在賜金建章寒漏起更助掖垣深

樂遊園望月

楊憑

炎靈全盛地明月半秋時今古人同望盈虧節暗移彩凝雙月  
迴輪度八川遲共惜鳴珂去金波送酒卮

奉和太常王卿酬中書李舍人中書寓直春夜對月見

寄

盧綸

露如輕雨月如霜不見星河見雁行虛暈入池波自泛滿輪當

苑桂多香春臺幾望黃龍關雲路寧分白玉廊是夜巴歌應金  
石豈殊螢影對清光

初秋月夜中書宿直因呈楊閣老

權德輿

歌枕直廬暇風蟬迎早秋沈沈玉堂夕皎皎金波流對掌喜新  
命分曹諧舊遊相思翫華彩因感庾公樓

奉酬張鑑閣老雪後過中書見贈輒加兩韻通簡南省

僚舊

權德輿

寓直久叨榮新恩倍若驚風清五夜永節換一陽生潘鬢年空  
長齊竿藝本輕常時望連茹今日劇懸旌枉步歡方接含毫思  
又榮煩君白雪句歲宴若爲情

詩林韻藻第一 天文

九

省中直夜對雪寄李師素侍御

令狐楚

密雪紛初降重城杳未開雜花飛鬪燮連蝶舞徘徊灑散千株  
葉銷潭九陌埃素華凝粉署清氣繞臺明覺侵窗積寒知度  
塞來謝家爭擬絮越嶺誤驚梅暗魄微茫照嚴飈次第催稍封  
黃竹亞先集紫蘭摧孫室臨書幌築園汎酒盃靜懷瓊樹倚醉  
倚玉山頽翠栢饑鳥集蒼雲遠雁來此時方夜直相望意悠哉  
八月十五日夜禁中獨直對月憶元九 白居易

銀臺金闕夕沈沈獨宿相思在翰林三五夜中新月色三千里  
外故人心渚宮東面煙波冷浴殿西頭鐘漏深猶恐清光不同

見江陵甲溼足秋陰

八月十五夜聞崔大員外翰林獨直對酒翫月因懷禁  
中清景偶題是詩

白居易

秋月空懸高碧外仙郎靜翫禁闈間歲中唯有今宵好海內無  
如此地閒皓色分明雙闕勝清光深到九門闕遙聞獨醉還惆  
悵不見金波照玉山

花樓望雪命宴賦詩

白居易

連天際海白皚皚好上高樓望一迴何處更能分道路此時兼  
不認池臺萬重雲樹山頭翠百尺花樓江畔開素壁聯題分韻  
句紅爐巡飲煖寒盃冰鋪湖水銀爲面風捲汀沙玉作堆絆惹  
舞人春艷曳勾留醉客夜徘徊偷將虛白堂前鶴失却樟亭驛  
後梅別有故情偏憶得曾經窮苦照書來

詩林龍護卷第十一 天文

十一

和李十二舍人直日放朝對雪

姚合

今朝街鼓何人聽朝客開門對雪眠豈比直廬丹禁裏九重天  
近色彌鮮

長安喜雪

朱灣

千門萬戶雪花浮點點無聲落瓦溝遍似玉塵消更積半成冰  
片繞還流光含曉色清天苑輕逐微風遶御樓平地已霑盈尺  
潤年豐須荷富人侯

令狐舍人說昨夜西掖翫月因戲贈

李商隱

昨夜玉輪明傳聞近太清涼波衝碧瓦曉暈落金莖露索秦宮

井風絃漢殿箏幾時絲竹頌擬薦子虛名

奉和翰林丁侍郎禁暑早春晴望

劉得仁

御林聞有早鶯聲玉檻春香九陌晴寒著霽雲歸紫閣暖浮佳  
氣動皇城宮池日到冰初解輦路風吹草欲生鴛侶此時皆賦  
詠商山雪在思尤清

入朝遇雪

李頻

霜鬢持霜簡朝天向雪天玉階初辨色瓊樹乍相鮮密翳空難  
曙盈微瑞不愆誰爲洛陽客是日更高眠

中秋月直禁苑

鄭畋

禁暑方懷黍綸闈已再加暫來西掖路還整上清槎恍惚歸丹

詩林韻藻卷第十一

天文

土

地深嚴宿絳霞幽襟聊自適閒弄紫薇花

露

韓偓

鶴非千歲飲猶難鴛舌偷含豈自安光溼最宜叢菊亞蕩搖無  
奈綠荷乾名因霈澤隨天睠分與濃霜保歲寒五色呈祥須得  
處夏雲仙掌有金盤

雨後月中玉堂間坐

韓偓

銀臺直北金鑿外暑雨初晴皓月中唯對松篁聽刻漏更無塵  
土翳虛空綠香熨齒冰盤果清冷侵肌水殿風坐久忽聞鈴索  
動玉堂西畔響丁東

和諸學士秋夕禁直偶雪

吳融

大華積秋雪禁闈生夜寒  
硯冰憂詔急燈燼惜更殘  
正遂攀稽願翻追訪戴歡  
更爲三日約一典未將闌

中秋陪熙用學士禁中翫月

吳融

月圓年十二秋半每多陰  
此夕無纖靄同君宿禁林  
未高知海闊當午見官深  
衣似繁霜透身疑積水沈  
遭逢陪侍輦歸去憶抽簪  
太夜池南岸相期到曉吟

和元宗元日大雪登樓

南唐李建勳

紛紛忽降當元會著物輕  
明似月華狂灑玉墀初散  
絮密黏宮樹未妨花迴封  
雙闕千尋峭冷歷南山萬  
仞斜寧意傳來中使出御  
題先賜老僧家

詩林韶藻卷第十一

天文

十一

春雪應制

徐鉉

繁陰連曙景瑞雪灑芳辰  
勢密猶疑臘風和始覺春  
繁林開玉藥飄座浥香塵  
欲識宸心悅雲謠慰兆人

禁中新月

徐鉉

今夕拜新月沈沈禁署中  
玉繩疎間彩金掌靜無風  
節換知身老時平見歲功  
吟看北墀暝蘭燼墜微紅

和殷舍人蕭員外春雪

徐鉉

萬里春陰乍履端  
廣庭風起玉塵乾  
梅花嶺上連天白  
蕙草階前特地寒  
晴去便爲經歲別  
興來何惜徹宵看  
此時鴛侶皆閑

暇贈答詩成禁漏殘

秋日雨中與蕭贊善訪殿舍人於翰林座中作

徐鉉

野出西垣步步遲秋光如水雨如絲銅龍樓下逢閑客紅藥階  
前訪舊知亂點乍滋承露處碎聲因想滴蓬時銀臺鎖入須歸  
去不惜餘歡盡酒卮

和元宗元日大雪登樓

徐鉉

一宿東林正氣和便隨仙仗放春華散飄白絮惟分影輕綴青  
旗始見花落砌更依宮舞轉入樓偏向御衣斜嚴徐共待金門  
詔願布堯言賀萬家

雪中駕幸敝廬茶紀

宋趙普

詩林韻藻卷第十一

天文

三

貞元重數羨滕六劇霏葩漠漠初濡砌皚皚欲聚沙閭閻銀作  
界宮闕玉爲家調鼎慚鹽撒沾溫覺絮加瑞凝三殿瓦欣動五  
雲車水柱撐茅屋瓊枝擁翠華微行停蹕警冷漏靜街譁具野  
會無隄磻溪豈問牙公然門駐輦那信宦蟠蝸積素堪麟畫飛  
黃想免置一庭看曳練十道趣宣麻戎索籌先後雄才辨等差  
神威殷地軸御指落天花袁卧甘朝穩裴功敢夜誇雪山行獻  
瑄早晚到星槎

赤日

楊億

赤日亭亭晝正賒長風萬里憶星槎銅盤瓊藥三危露素縷寒  
漿五色瓜蘭室冷光浮玉簾柳營清吹逐金笳翠微泉石終南

路千古離宮倚曙霞

秋夜對月

楊億

孤雲飛隴首，顛氣滿商中。  
警鶴仙盤外，圓蟬玉殿東。  
浦寒珠有淚，巖迴桂生風。  
星彩沈榆莢，霜華襲桂叢。  
光搖銀燭亂，影射玉壺空。  
露館迷秦甸，水臺接魏宮。  
繞枝驚暗鵲，促杼思陰蟲。  
更想離居恨，回腸幾處同。

赤日

錢惟演

漏淺風微夜未勝，雨雲無迹火雲凝。  
簟鋪寒水頻移枕，帳卷輕煙更背燈。  
沃頂幾思金掌露，滌煩誰借玉壺冰。  
蘭臺知有披襟處，宋玉多才獨自登。

詩林詔慶卷第十一

天文

古

清風十韻

錢惟演

溽暑迎秋盡，涼颼逗曉迴。  
起蘋初淅瀝，獵桂更徘徊。  
欲引長煙素，微飄畫燭煤。  
墜桐侵玉井，拂柳度章臺。  
已覺雲翹動，還驚月幌開。  
鮫簾移亂影，瑤瑟泛餘哀。  
扇掩藏鸞羽，荷傾側露杯。  
正當河左界，不待雨東來。  
自好搏垂翼，寧勞起死灰。  
楚宮誰第賦，宋玉最多才。

清風十韻

劉筠

閭闔重門啓，飛廉別館深。  
歎蒸全已却，雅興可能任。  
雲起汾河詠，旌搖楚國心。  
過簫添爽籟，拂野蕩層陰。  
夕勁淮陽桂，晨淒越鄂衾。  
登高從落帽，安寢任吹襟。  
珠網疏難掩，銅鑪冷易侵。  
急翻

池上葉遙送月前砧舞袖更迴態歌梁極緒音最憐雕鴛意  
息度千岑

集英殿賜百官宴以雨放

梅堯臣

春來無點雨三月始聞雷曉殿鳴簷急羣公罷食迴燕迎風翅  
健馬踏霧泥開晚覺微陽透飛光上綠槐

內直對月寄子華舍人持國廷評

歐陽修

禁署一作省沈沈玉漏傳月華雲表溢金盤纖埃不隔光初滿萬

物無聲夜向闌蓮燭燒殘愁夢斷蕙鑪薰歇覺衣單水晶宮鎖  
黃金闕故比人間分外寒

東閣雨中

歐陽修

詩林韶濩卷第十一

天文

五

直閣時偷暇幽懷坐獨哦綠苔人迹少黃葉雨聲多雲結愁陰  
重風傳禁漏過瑤圖新嗣聖玉塞久拋戈相府文書簡豐年氣  
候和還將鳳池句聊雜野人歌

和吳冲卿雪霽紫宸朝

王安石

虎士開閭闔雞人唱九霄雲移銀闕角日轉玉廊腰帚動川收  
潦鞞鳴海上湖舞袍沾宿潤拜笏擁殘飄賜飲人何樂歸嘶馬  
亦驕低回但忘食吟詠得逍遙

祥雲

王安石

冰入春風漲御溝上林花氣欲飛浮未央屋瓦猶殘雪却爲祥  
雲映日流

次韻王仲至喜雪御筵

蘇軾

三軍喜氣鑠飛花，睡起空驚月在沙。  
未集驂駟金駮裏，故殘鳩鵲玉橫斜。  
偶還仗內身如寄，尚憶江南酒可賒。  
宣勸不多心自醉，強扶衰白拜君嘉。

次韻雨絲雲鶴二首

黃庭堅

煙雲杳靄合中稀，霧雨空濛密更微。  
園客繭絲抽萬緒，蛛蝥網面罩羣飛。  
風光錯綜天經緯，草木文章帝杼機。  
願染朝霞成五色，爲君玉補坐朝衣。

幾片雲如薛公鶴，精神態度不曾齊。  
安知隴鳥樊籠密，便覺南鵬羽翼低。  
風散又成千里去，夜寒應上九天栖。  
坐來改變如蒼狗，試欲揮毫意自迷。

詩林韻藻卷第十

天文

六

輦下春晴

秦觀

樓闕過朝雨，參差動霽光。  
衣冠分禁路，雲氣繞宮牆。  
亂絮迷春闊，蕙花因日長。  
經旬牽酒伴，猶未獻長楊。

己丑中秋寓宿玉堂聞沈公雅大卿劉正夫戶部集張  
圓賞月走筆寄之

范成大

笑看收雲捲，雨忙沈沈宮樹納。  
空光夜長來伴玉堂宿，天近似聞丹桂香。  
鳩鵲樓欄聞瑞氣，鳳凰城闕帶新涼。  
遙知勝絕西南會，也憶車公對舉觴。

八月二十二日寓直玉堂雨後頓涼

范成大

兩意蒸雲暗夕陽濃薰滿院落花香題詩弄筆北窗下將此工夫報答涼

紫宸殿拜表賀雪

楊萬里

稍緩鳴鞭不住催一聲再拜忽如雷封章進了儀曹退文武班齊上相來白髮兩年陪賀雪紫衣數輩小傳杯賜休退食端何限未到西湖探早梅

駕幸玉津園喜晴應制

洪邁

五更猶自雨如麻無數都人仰翠華翻手作雲方悵望舉頭見日共驚嗟天公小試施生妙帝力堪同造物誇上苑春光無盡藏何須搗鼓更催花

詩林詔獲卷第十一

天文

七

雪晴呈玉堂諸公

金蔡松年

雪晴松頂玉欄斑曉眼清於化鶴山欲立凍雲搜傑句却思仙容退清班矚瑜帳底沈香火蘆萄花中碧霧鬟喚取廣寒修月手月波千丈捲春還

應制雪詩

楊雲翼

陰雲破臘不曾晴瑞雪隨風落五更積玉未平鳩鵲瓦飛花先滿鳳凰城潤深農畝千疇綠塵壓龍沙萬里清最好壽杯浮喜色明年洗眼看昇平

雨後

高汝礪

時雨兩三日田家家萬金有年天子慶憂國老臣心

章臺車馬去如流，白雨霏煙拂畫樓。  
九陌平鋪明似練，兩溝急瀉碧于油。  
美人虹見西山霽，少女風來北里秋。  
涼意滿襟簾幙卷，宮鴉歸樹夕陽收。

凍雨晚晴自成物，門歸院馬上口占。  
宋 聚

碧山繚繞畫陰垂，雲溼宮城雨溼衣。  
芳草遠含春意態，微陽閑弄晚光輝。  
灤河委曲經千里，魏闕嗟峨九圍滿。  
目鬱蔥佳氣在，莫從陳迹訪依稀。

七月八日晚晴暫出麗正門外。  
宋 聚

團團碧樹壓宮城，白鳳門楣淡日明。  
回首瓊華仙島上，片雲猶

詩林韶濩卷第十一 天文

欲妒新晴

雪夜直宿玉堂。  
黃清老

琪樹花生禁漏遲，金莖月色近書闈。  
白雲入水春無迹，銀漢橫空夜有輝。  
竹靜似聞蒼玉佩，松寒欲傍綠荷衣。  
乾坤清氣蓬萊表，獨對天風拂素徽。

雪中早朝。  
張翥

北風吹雪浩漫漫，曉出津橋立馬看。  
春入上林花樹早，水連平地海波乾。  
金城萬雉微茫溼，月闕雙龍最負寒。  
今日天顏知有喜，紫宸朝下散千官。

壬申元日大雪二日立春晴景豁然春燕有作

白雪青天映日紅樓臺高下玉山中盤蔬曉送冰絲脆釵杏春  
生蠟帶融北斗龍杓迴後夜東皇鸞輅駕靈風何如得接雲霄  
上一看煙花繞禁官

元日雪霽早朝大明宮和辛良史省郎廿二韻

并序

張雨

延祐改元三月民瞻石宰相遇京師承需鄙作且辱先施之  
惠林下朽生不能造館閣綺語幸於言句外求之愧悚而已  
纒設中庭燎俄看密霰飄歲開環甲紀星動指寅杓鳳集天門  
榜珂鳴月殿橋卿雲同四表和氣集三朝陛級肪初截雲層玉

詩林韶濩卷第十一

天文

九

旋雕句陳分彩隊步輦簇青腰積屑承盤重吹花到笏消透逸  
光斧座凌亂綴珠翹樂共爐煙合班隨翠袖招闈風游廣漢玉  
局道逍遙北戲魚龍舞中嵒虎豹調旌旗攢鬣冠劔掠招搖  
穆酒會觴母洪崖及見堯萬年臨紫極一日慶璇霄朝會儀如  
此騫騰意頗饒身唯參寂莫世豈絀紛囂姑射消疵癘蓬萊倚  
沈寥瑤華攬戴勝珠樹引回鑪有術探鴻寶何人識爨焦竟須  
窮海岱直擬並松喬書就神牀寫香從別室燒憐君守華省琢  
句廢春宵

雪夜宿翰林院呈危宋二院長

高啓

偶伴王摩詰寒宵宿禁林院鈴風外靜宮漏雪中沈絳蠟銷銀

燭青綾擁賜衾明朝陪賀瑞銀闕曉光深

西清對雨

高啓

楚臺雲起遠漢苑雨來微  
曉溼宮城旆寒沾陛楯衣  
溝中隨葉墮鑪畔帶煙飛  
坐詠西清暇君王召對稀

禁中雪

高啓

君王元尚儉臺殿忽瓊瑤  
環素凝宮沼飛花綴苑條  
坊雞驚曙早仗馬喜寒驕  
金扇開時看丹墀掃後朝  
台司呈賀表樂部奉仙謠  
須信陽光近都先別處消

詠夏冰

高啓

寒收凝凍井晚薦納涼宮  
抱潔存天質銷炎奪化工  
氣蒸金盃潤色映玉盤  
空弱藻含猶在織塵隔未通  
非山寧可倚是水復當融  
照夜何須月驚秋詎待風  
製屏應不隱作珮定難攻  
容貌清誰並仙肌瑩自同宜  
涵筠簟素愁逼桂爐紅願解行人  
暍分貽道路中

詩林詔渡卷第十一

天文

三

省垣對雨有懷方員外

楊基

煮得新醅灑灑紅  
省垣誰與晚尊同人當暫別  
情偏惡詩到無聊語  
更工江浦荷花雙鷺雨  
驛亭楊柳一蟬風  
論文若到虞楊地應對清江憶范公

詠冰

楊基

連日毒熱思冰不可得  
因賦五言一首素筵庶幾詠冰解暑

不啻望梅止渴仍邀來儀季迪幼文三公子同詠

凌室啓深藏殊恩賜上方壺清迷練色甌簿耀寒光當座人俱  
素登筵體共涼瑩含銀潔甘薦蜜脾香淺碧迎歌扇微紅映  
舞裳明愁難作鑑豎恐易成漿瑞擬金窗雪勳高玉井霜屏慚  
雲母熱簾咤水晶長醉客狂思踏詞臣渴顧嘗陳王方避暑突  
兀殿中央

夏日喜雨寫懷三首

金幼孜

粉署依丹禁城虛爽氣多好風天上至涼雨曉來過翠鳥浮沓  
靄瑤池澹綠波九重閒視草時復幸鑿坡

夏過日初長連朝雨送涼捲簾書帙靜開戶燕泥香賜果來東

詩林韻藻卷第十一

天文

三

閣分冰近御牀小臣叨侍從屢得被恩光

玉堂清切地瀟灑出氛埃雨點疎疎過天香冉冉來隔花鶯歷  
亂近水燕飛回朝退有餘暇新詩取次裁

和曾學士元日遇雪

錢幹

急雪飛花滿御堤朝元紫禁侍班齊飄來玉佩行偏重舞落金  
鋪看欲迷鐘動城鴉翻玉羽仗回路馬盡霜蹄高歌郢曲知難  
和未數陽春舊日題

次西墅學士己亥元日雪

羅肅

長樂鐘殘五漏微蓬萊天近六花飛光含銀燭調元氣色湛瓊  
筵促曙輝已放素華凝禁苑還飄落絮點朝衣玉堂學士文章

伯獻歲詞高和者稀

雪後早朝

李東陽

六日長安雪滿城五更鐘鼓一時晴水晶宮冷雲猶凍鵲樓  
高月正明朝馬不嘶金勒靜院燈無影玉堂清祗應天上寒如  
許怪底人間夢不成

十四日雪後朝回史館作

顧清

紫宸晴雪映蓬萊獨出東廂候鎖開學士履聲雲裏下君王鸞  
駕月中回爭先皓鶴羞初日失喜遙林見早梅坐聽角門宣喚  
急却思授簡懼非才

四月五日微雨免朝與李太史世賢步出皇城門喜而

詩林韶濩卷第十一

天文

三

有作

程敏政

輕陰小雨夜連晨中使傳呼散紫宸天氣薰蒸疑作暑風光回  
轉欲畱春班分輦道花迎佩仗出官牆柳映人獨喜聯鑣歸去  
早六街消盡馬蹄塵

雨中放朝出左掖

文徵明

霏微芳潤浥霓旌歷落彤墀散履聲暝色浮煙迷左掖碧雲將  
雨近西清柳垂青瑣千絲重水落銀橋萬玉鳴霑灑不辭袍袖  
溼天街塵淨馬蹄輕

闕下詠雪

蔡羽

寒光逼四隅瑞氣滿皇都素女開金鏡遊人在玉壺蓬萊駕白

鳳湯殿浴霜鳧別有藏香室紅煙傍碧欄

長安門西道苑牆雨後經眺作

湯珍

紫宮黃屋邃森沈馳道周盧肅羽林樹裏啼鶯清禁切雨餘流  
水御溝深松篁並落鍾山翠雲霧長依漢殿陰此日歌謳歡在  
鎬草茅何以嗣華音

春日禁中遇雪

薛蕙

紫禁春朝雪花飛綵仗新霧交隨雉尾風引避龍鱗掌溼金人  
立窗寒玉女顰翠華沾灑處遙憶屬車塵

六月八日西闕遇雨

薛蕙

窈窕西清內參差水殿連歸雲向平樂飛雨集甘泉明月裁班

詩林詔漢卷第十一

天文

三

女媧風唱麗娟龍池初望幸來往木蘭船

雪

薛蕙

流風廻雪滿蓬萊繡幕珠簾萬戶開內殿平明催設宴玉京深  
處翠華來

中秋禁中對月

楊慎

漢家臺殿號明光月滿秋高夜未央銀箭金壺催漏水仙音法  
曲獻霓裳路車天遠鸞聲靜宮扇風多雉影涼千里可憐同此  
夕美人迢遞隔西方

禁中對雪

陳東

禁裏霏霏朔氣饒縈風飄度薊門遙初翻金馬疑飛絮漸集銅

雀恍薄綃百子銀漢全合色萬年花發半封條懸聞睿詔圖青  
竹佇待東曹樂赤毫

雨中送駕和研岡二首

董承敘

春日瞻陵廟宸遊出帝城豐隆扶翠輦屏翳抗龍旌柳色迎鑾  
細鶯歌向蹕清寢園佳氣合馳道瑞煙平沙軟千官擁泥香萬  
騎鳴槽裡勞聖主數傍碧山行

法駕開雲幕慈闈擁萬城社煙隨采仗谷雨落青旌春豫流鮮  
淶皇游覽太清沾衣知寵渥潤物感昇平山繞鑿輿淨泉當帳  
殿鳴傳宣戒龍舸還泛玉湖行

玉河隄上見新月時入直署中

歐大任

詩林韻藻卷第十

天文

詩

弦月纖纖照馬蹄竹書猶把署中棲講前垂柳穿林影禁裏新  
鶯過水啼緹騎紛隨秦苑北朱旗深護漢宮西倦遊不記長安  
道一望關河怨解攜

雪夜召詣高立殿

夏言

迎和門外據雕鞍玉螭橋頭度石欄琪樹瓊林春色靜瑤臺銀  
闕夜光寒爐香縹渺高立殿官燭煒煌太乙壇白首豈期天上  
景宋衣仍得雪中看

禁中對雨

沈一貫

回風度雨近金鑾高閣疎簾隱几看乳燕營巢欣土潤嬌鶯擲  
柳法枝寒厓流欲染方春色拂座應憐獨冷官目送餘雲過別

殿不知銀鑰動關干

地理

奉和聖製過温湯

唐楊思立

豐城觀漢迹温谷幸秦餘地接幽王壘塗分鄭國渠風威肅文  
衛日彩鏡雕輿遠岫疑氛重寒叢對影疎迴瞻漢章闕佳氣滿  
宸居

奉和春日游龍門應制

武三思

鳳駕臨香地龍輿上翠微星宮含雨氣月殿抱春輝碧澗長虹  
下雕梁早燕歸雲疑浮寶蓋石似拂天衣露草侵階長風花遶  
席飛日斜宸賞洽清吹入重闈

詩林韶濩卷第十一 地理

三

蓬萊三殿侍宴奉敕詠終南山應制

杜審言

北斗挂城邊南山倚殿前雲標金闕迴樹杪玉堂懸半嶺通佳  
氣中峰繞瑞煙小臣持獻壽長此戴堯天

奉和驪山高頂寓目應制

李嶠

步輦陟山巔山高入紫煙忠臣還捧日聖后欲捫天迴識平陵  
樹低看華嶽蓮帝鄉應不遠空見白雲懸

奉和登驪山高頂寓目應制

李義

崖巘萬尋懸居高敞御筵行戈疑駐日步輦若升一作登天城闕  
霧中近關河雲外連謬陪登弁一作岱駕欣奉濟汾篇

松山嶺應制

宋之問

翼翼高旌轉，鏘鳳輦飛塵。銷清路雲溼，從臣衣白羽。搖丹  
壑，天營逼翠微。芳聲耀今古，四海警宸威。

奉和登驪山高頂寓目應制

崔湜

名山何壯哉，立覽一徘徊。御路穿林轉，旌門倚石開。煙霞肘後  
發，河塞掌中來。不學蓬壺遠，經年猶未迴。

奉和登驪山應制

閻朝隱

龍行踏絳氣，天半語相聞。混沌疑初判，洪荒若始分。

奉和聖製登驪山高頂寓目應制

趙彥昭

皇情遍九垓，御輦駐昭回路。若隨天轉人疑近，日來河看大禹  
鑿。山見巨靈開，願扈封登駕。常持薦壽杯。

詩林韶濩卷第十一 地理

奉和聖製登驪山矚眺應制

張說

寒山上半空，臨眺盡寰

一作畫圖

中。是日巡遊處，晴光遠近同。川明

分渭水，樹暗辨新豐。巖壑清音暮，天歌起大風。

奉和聖製途次陝州應制

張說

周召嘗分陝，詩書空復傳。何知萬乘睠，追賞二南篇。郡帶洪河  
側，宮臨大道邊。洛城將日近，佳氣滿山川。

奉和聖製渡蒲關應制

張說

蒲坂橫臨晉，華芝曉望秦。關城雄地險，橋路扼天津。樓映行宮  
日，隄含宮樹春。黃雲隨寶鼎，紫氣真人東。詠唐虞迹，西觀周

漢塵山河，非國寶明主愛忠臣。

奉和聖製途中經華嶽應制

張說

西嶽鎮皇京中峰入太清玉鑿重嶺應緹綺薄雲迎霽日懸高  
掌寒空類一作映削成軒遊會神處漢幸望仙情舊廟青林古新  
碑綠字生羣臣願封岱還駕勒鴻名

奉和聖製潼關口號應制

張說

天德平無外關門東復西不將千里隔何用一丸泥

奉和聖製登驪山高頂寓目應制

蘇頌

仙蹕御層氛高高積翠分巖聲中谷應天語半空聞豐樹連黃  
葉函關入紫雲聖圖恢寓縣歌賦小一作少潢汾

奉和聖製途經華嶽應制

蘇頌

朝望蓮花嶽神心就日來晴觀五千仞仙掌拓山開受命金符  
叶迎祥玉瑞陪霧披乘鹿見雲起馭龍廻偃樹枝封雪殘碑石  
昌苔聖皇惟道契文字勒巖隈

奉和聖製登太行山中言志應制

蘇頌

北山東入海馳道上連天順動三光注登臨萬象懸俛觀河內  
色平指洛陽川按蹕夷關險張旗亘井泉曉巖中警柝春事下  
蒐田德重周王問歌輕漢一作魏后傳宸遊鋪合典睿思起芳年  
願以封書奏廻鑾禪肅然

奉和早登太行山中言志應制

張嘉貞

明發扈山巔飛龍高在天山南平對鞏山北遠通燕贍彼岡巒

變憑茲士馬妍九圻行若砥萬谷輾如川羅網開三面閭閻問  
百年澤將春雪比文共曉星連後后逢今聖登台謝曩賢雖餘  
事君節不讓古人先

奉和進船洛水應制

薛胥惑

一作孫述

禁園紆睿覽仙棹叶宸遊洛北風花樹江南彩畫舟榮一作芳生  
蘭蕙草春入鳳凰樓興盡離宮暮煙光起夕流

奉和聖製次瓊嶽韻

張九齡

山祇亦望幸雲雨見靈心嶽館逢朝霽關門解宿陰咸京天上  
近清渭日邊臨我武因冬狩何言是卽禽

奉和聖製途次陝州作

張九齡

馳道當河陝陳詩問國風川原三晉別襟帶兩京同後殿函關  
盡前旌關塞通行看洛陽陌光景麗天中

奉和聖製早渡蒲津關

張九齡

魏武中流處軒皇問道迴長堤春樹發高掌曙雲開龍負王舟  
渡人占仙氣來河津會日月天仗役風雷東顧重關盡西馳萬  
國陪還聞股肱郡元首詠康哉

奉和聖製途經華山

張九齡

萬乘華山下千巖雲漢中靈居雖窳密睿覽忽玄同日月臨高  
掌神仙仰大風攢峰勢岌岌翊輦氣融融揆物知幽贊銘勳表  
聖衷會應陪玉檢來此告成功

奉和聖製早登太行山率爾言志

張九齡

孟月攝提貞乘時我后征晨嚴九折度暮戒六軍行日御馳中  
道風師卷太清戈鋌林表出組練雪間明動植希皇豫高深奉  
睿情陪遊七聖列望幸百神迎氣色煙猶喜恩光草尚榮之罍  
稱萬歲今此復同聲

奉和聖製經函谷關作

張九齡

函谷雖云險黃河已復清聖心無所隔空此置關城

奉和聖製渡潼關口號

張九齡

嶙嶙故城壘荒涼空戍樓在德不在險方知王道休

奉和聖製次瓊嶽應制

韋濟

詩林韶濩卷第十一

地理

完

陸海披晴雪千旗獵早陽嶽臨秦路險河遶漢垣長行漏通鳩  
鵲離宮接建章都門信宿近歌舞從周王

奉和聖製早度蒲津關

徐安貞

仙掌臨秦甸虹橋闢晉關兩都分地險一曲渡河灣路得津門  
要時稱古戍閑城花春正發岸柳曙堪攀後乘猶臨水前旌欲  
換山長安迴望日宸御六龍還

奉和聖製次瓊嶽應制

李林甫

東幸從人望西巡順物回雲收二華出天轉五星來十月農初  
罷三驅禮復開更看瓊嶽上佳氣接神臺

奉和聖製早登太行山中言志

苗晉卿

金吾戒道清羽騎動天聲砥路方南絕一作重巖始北征關樓  
前望遠河邑下觀平喜氣迴輿合祥風入一作轉旆輕祝堯三老  
至會禹百神迎月令農先急春蒐禮後行仍親后土祭更理晉  
陽兵不似勞車轍空畱八駿名

奉和登會昌山應制

孫 逖

巖磴列雲旗吾君訪道時乾行萬物親日馭一作駐六龍遲望遠

迴天顧登高動睿詞願因山作壽長保會昌期

和太常韋主簿五郎溫陽寓目之作

王 維

漢主離宮接露臺秦川一半夕陽開青山盡是朱旗繞碧澗翻  
從玉殿來新豐樹裏行人度小苑城邊獵騎迴聞道甘泉能獻

詩林韶濩卷第十一

地理

三

賦懸知獨有子雲才

奉和聖製登會昌山應制

錢 起

一作起

睿想入希夷直游到具茨玉鸞登嶂遠雲輅出花遲泉壑疑神  
處陽和布澤時六龍多順動四海正雍熙

退朝望終南山

鄭 畋

紫宸朝罷綴鸞鸞丹鳳樓前駐馬看惟有終南山色在晴明依  
舊滿長安

和蜀後主題劔門

漢王仁裕

五陽曾有語刊在白雲稜李杜常挨托孫劉亦恃憑庸才安可

守上德始堪矜暗指長天路濃巒蔽幾層

渡混同江

金蔡松年

十年八喚清江渡江水江花笑我勞老境歸心質孤月倦游陳  
迹付驚濤兩都絡澤波神肅六合清明斗極高湖海小臣尸厚  
祿夢尋煙雨一漁舸

過居庸關

元劉秉忠

車箱來往若流泉絕壁巉巖倚翠煙限破中州四十里鑿開大  
路幾千年函關不謂平如地蜀道無知險似天萬里揮鞭猶咫  
尺誰能掌上保幽燕

過蘆溝橋

陳孚

去天尺五禁城西華表亭亭柳拂堤海上飛來雙蝶竦雲間擁

詩林詔覆卷第十一

地理

三

出萬後狃大行山色浮鯨浪上國秋聲送馬蹄誰識太微天極  
象迢迢河漢玉繩低

河西務

傅與礪

驛路通畿甸敖倉俯漕河騎瞻西日去帆聽北風過燕薊舟車  
會江淮貢賦多近聞愁米價素食定如何

七月七日同宋顯夫學士暨經筵僚屬遊上京西山紀

事二首

周伯琦

聯岡疊阜衛神都萬幕平沙八陣圖朝市星垣周社稷宗藩盤  
石漢規摹官隄互野豐青草禁籞深林暗碧榆地闕天開到今

日九重垂拱制寰區

盤盤絕頂撫崢嶸目盡天涯一掌平  
海氣騰空搖鐵剌山風卷霧淨  
金城鞞鷹秋健諸酋帳苑馬膏肥  
七校營相顧依然情未已攜壺  
明日約同傾

觀輿圖有感

趙汭

朝雨茅茨溼披圖歎禹功山河一  
掌上宇宙九疇中水性惟趨下  
民生本易窮胼胝豈無事大智  
與天通

大駕度居庸關

薛玄曦

居庸雄據萬重山南北門分作漢  
關鼓角動時森虎衛旌旗行處  
識龍顏禪宮路轉風煙合御苑  
春深草樹閒待得長楊圍獵罷  
又隨車騎此中還

詩林詔漢卷第七

地理

三

龍沙

明朱多烜奉國將軍

龍沙駐蹕地皇祖紀南征草昧君  
臣定壺漿父老迎平臨章貢水  
遠視灌嬰城今古雄圖在低徊  
落照明

車駕渡江

曾棨

朱旗畫戟擁晴沙錦纜牙檣照浪  
花佳氣迴浮江北樹曉光初綉  
海東霞雲中鸞鳳扶丹轂水底  
魚龍識翠華不用臨流羨天塹  
只今四海盡爲家

駕次江心驛

曾棨

清蹕初傳日未西鴻臚將引唱班  
齊營門風煖千旗動輦路雲吞  
萬馬嘶草綠夜塘多是水雨晴  
沙道不成泥忽傳四鼓鑿與

發不寐時時聽曉雞

居庸關

王英

千峰高處起層城空裏宮堦積翠明雲靜芙蓉開霽色天清鼓  
角散秋聲北連紫塞烽煙斷南接金臺驛路平此地由來稱設  
險萬年形勢壯神京

車駕渡江

周忱

柳色臨江輦路長葳蕤遙望翠華張衣冠隔岸催鷓序舸艦中  
流列鴈行魚躍蒼波瞻御座鳥啼春樹識天香時巡百度稽虞  
典不奏橫汾禮樂章

居庸關

釋梵琦

詩林韶濩卷第十一

地理

三

天畔浮雲雲表峰北遊奇險見居庸力排劒戟三千士門掩山  
河百萬重渠答自今收戰馬兜鈴無復置邊烽上都避暑頻來  
往飛鳥猶能識袞龍

詩林韶濩卷第十一

長洲顧 嗣立 俠君 類編

節序上

唐

奉和春日二首

元萬頃

寒食應制

韋承慶

奉和九日幸臨渭亭登高應制

韋嗣立

和中書侍郎楊再思春夜寓直鳳闕懷羣公

魏知古

正月十五夜

蘇味道

詩林節度卷第十二 目錄

守歲侍宴應制

杜審言

立春日侍宴內殿出剪綵花應制

李嶠

奉和七夕兩儀殿會宴應制

李嶠

九日幸臨渭亭登高應制得歡字

李嶠

立春日內出剪綵花應制

沈佺期

晦日滌水應制

沈佺期

三日梨園侍宴

沈佺期

九日幸臨渭亭侍宴應制得長字

沈佺期

和中書侍郎楊再思春夜宿直

沈佺期

和崔正諫登秋日早朝

沈佺期

奉和立春遊苑迎春

沈佺期

奉和晦日駕幸昆明池應制

沈佺期

酬蘇員外味道夏晚寓直省中見贈

沈佺期

上巳祓禊渭濱應制

沈佺期

九月晦日上陽宮侍宴應制

宋之問

奉和立春日侍宴內出剪綵花應制

宋之問

冬夜寓直麟閣

宋之問

和庫部李員外秋夜寓直之作

宋之問

奉和晦日幸昆明池應制

宋之問

奉和九日侍宴應制

李乂

蘇東坡卷第三

目錄

二

奉和晦日幸昆明池應制

李乂

奉和三日祓禊渭濱

李乂

奉和聖製九日侍宴應制

李適

奉和立春遊苑迎春

李適

奉和立春內出綵花樹應制

武平一

正月晦日侍宴滻水應制賦得長字

宗楚客

奉和九日幸臨渭亭登高應制得筵字

閻朝隱

奉和七夕宴兩儀殿應制

劉憲

奉和七夕兩儀殿會宴應制

趙彥昭

奉和九日幸臨渭亭登高應制

趙彥昭

同韋舍人元旦早朝

徐彥伯

奉和立春遊苑迎春應制

韋元旦

奉和立春遊苑迎春應制

崔日用

奉和立春日內出綵花樹應制

岑羲

奉和九日幸臨渭亭登高應制得餘字

蕭至忠

奉和九日幸臨渭亭登高應制得亭字

楊廉

奉和九日幸臨渭亭登高應制得樽字

于經野

三月三日御宴定昆池宮莊賦得筵字

張說

奉和聖製寒食作應制

張說

端午三殿侍宴應制探得魚字

張說

詩苑英華第十二 目錄

九日進茱萸山詩五首

張說

奉和三日祓禊渭濱應制

張說

十五日夜御前口號蹋歌詞二首

張說

立春日侍宴內出剪綵花應制

蘇頲

奉和七夕宴兩儀殿應制

蘇頲

奉和九日幸臨渭亭登高應制

蘇頲

奉和聖製九日侍宴應制

蘇頲

奉和晦日幸昆明池應制

蘇頲

秋夜寓直中書呈黃門舅

蘇頲

正月十五夜應制

孫逖

秋夜寓直卽事懷贈蕭令公表侍郎兼通簡南省諸友

人

王 灣

奉和聖製三月三日

陳希烈

同崔員外秋宵寓直

王 維

奉和聖製與太子諸王三月三日龍池春禊應制

王 維

奉和聖製上巳於望春亭觀禊飲應制

王 維

三月三日曲江侍宴應制

王 維

三月三日勤政樓侍宴應制

王 維

奉和聖製十五夜然燈繼以醮宴應制

王 維

蘇轍卷第十二

目錄

四

春日直門下省早朝

王 維

和刑部成員外秋夜寓直寄臺省知己

岑 參

奉和上巳祓禊應制

崔國輔

九日侍宴應制

崔國輔

春宿左省

杜 甫

至日遣興奉寄北省舊閣老兩院故人二首

杜 甫

三月三日曲江侍宴應制

趙良器

奉和中書常舍人晚秋集賢院卽事寄贈徐薛二侍御

獨孤及

應詔賦得除夜

史青一作王靜

晚秋集賢院卽事寄徐薛二侍郎公共常袞

春日早朝應制寶叔同

奉酬李舍人秋日寓直見寄張南史

春夜寓直錢起

奉和中書舍人晚秋集賢院卽事寄徐薛二侍郎

錢起

晚秋西省寄上李韓二舍人司空曙

和耿拾遺元日觀早朝司空曙

奉和常舍人袞晚秋集賢院卽事寄徐薛二侍郎

諫叢卷第十二

目錄

五

司空曙

元日觀百僚朝會包信

奉和常關老晚秋集賢院卽事寄贈徐薛二侍郎

包信

元日早朝呈故省諸公盧綸

元日朝迴中夜書情寄南宮二故人盧綸

和常舍人晚秋集賢院卽事十二韻寄贈江南徐薛二

侍郎盧綸

奉和戶曹叔夏夜寓直壽呈同曹諸公并見示

盧綸

元日早朝

耿漳

至日登樂遊園

裴度

寒食直歸一作宿遇雨

韓愈

奉和庫部盧四兄曹長元日朝廻

韓愈

春日退朝

劉禹錫

元日觀朝

楊巨源

元日含元殿下立仗上門下相公二首

楊巨源

元日朝下呈元逢吉舍人

楊巨源

寒食內宴二首

張籍

春日早朝

張籍

蘇韻藻卷第五 目錄

六

春夜宿直

白居易

夏夜宿直

白居易

上元日恩賜曲江宴會真卽事

白居易

晚春重到集賢院

白居易

宮前早春

王建

元日仗

張祜

正月十五夜燈

張祜

元日陪早朝

歐陽詹

春日早朝寄劉起居

姚合

和劉禹錫主客冬初拜表懷上都故人

姚合

西掖寓直春曉聞殘漏

姚合

早春閣下寓直蕭九舍人亦直內署因寄書懷四韻

杜牧

秋日候扇

許渾

十二月拜起居表回

許渾

和重陽錫宴御製詩

魏謩

南冬夜和范祕書宿祕省中作

李頻

歲仗

羅鄴

元日樓前觀仗二首

薛逢

初秋寓直二首

鄭畋

蘇韶護卷第十二 目錄

七

中秋禁直

韓偓

春日

一作夕

伴同年禮部趙員外省直

鄭谷

八月十五夜禁直寄同僚

吳融

南唐

又賦早春書事

徐鉉

早春左省寓直

徐鉉

早春旬假獨直寄江舍人

徐鉉

翰林游舍人清明日入院中塗見過余明日亦入西省

上直因寄游君

徐鉉

宋

奉和御製附日詩

楊億

暑詠寄梅集賢

楊億

苦熱

楊億

上巳玉津園賜宴

楊億

苦熱

錢惟濟

燈夕寄獻內翰號暑公

錢惟演

苦熱

錢惟演

上巳玉津園賜宴

錢惟演

暑詠寄梅集賢

劉筠

苦熱

劉筠

詩林詔選卷第十

目錄

上巳玉津園賜宴

劉筠

燈夕寄獻內翰號暑公

李宗諤

初秋宿直

晏殊

中書秋日有懷青社舊遊

寇準

奉和御製上元觀燈

夏竦

閏十二月望日立春禁中作

宋祁

寒食假中作

宋祁

癸丑燈夕

韓琦

和春卿學士上元罷燈

韓琦

清明日玉津園賜宴即席

文彥博

禁林春日

李昉

次韻和江鄰幾九月五日省直

司馬光

恭和御製上元觀燈

王和甫

上巳遊金明池

王立之

和昭文相公上巳宴

歐陽修

三日赴宴口占

歐陽修

和武平學士歲晚禁直書懷五言二十韻

歐陽修

十二月十六日後殿朝謁

孔武仲

夏日入館

孔武仲

蘇東坡第十一目錄

次韻冲卿上元從駕至集禧觀偶成

王安石

次韻陪駕觀燈

王安石

上巳聞苑中樂聲書事

王安石

禁中春寒

王安石

和御製上元觀燈

曾鞏

和史館相公上元觀燈

曾鞏

上巳日瑞聖園錫宴呈諸同舍

曾鞏

上元侍飲樓上三首呈同列

蘇軾

依韻恭和聖製上元觀燈

王珪

上元進詩 并序

蔡襄

西城宴集元祐七年三月上巳詔賜館閣官花酒以中  
澣日遊金明池瓊林院又會于國夫人園會者二十  
有六人二首

次韻東坡上元扈從三絕

秦 觀

六月二十一日子文待制見訪熱甚追記館中納涼故  
事漫成一首

韓 駒

元日

任伯雨

前歲冬至與胡邦衡小語端誠殿下道直下舊事今年  
邦衡舉易緯六日七分之說輒用子美五更三點爲

蘇軾詩集卷第十三 目錄

十一

對後數日得劉文潛運使書記去年館中團拜人今  
作八處感歎成詩

周必大

冬至日天慶觀朝拜雲日晴麗遙想郊禋慶成作歡喜

口號

范成大

壬辰天中節赴平江錫宴因懷去年以侍臣攝事捧御  
杯殿上賦二小詩

范成大

巳酉元日

陸 游

冬至節後賀皇太子及平陽郡主

楊萬里

歲莫直舍感懷

姜 夔

皇帝閣

劉 綸

宮夏三首

真德秀

中秋應制

趙 夙

應制中秋

闔長言

冬夜直宿省中

龐 鑄

詩林韶濩卷第十二目錄終

詩林韶濩卷第十二目錄

十一

長洲顛 嗣立 俠君 類選

節序上

奉和春日二首

唐元萬頃

花輕蕊亂仙人杏，葉密鸞喧帝女桑。飛雲閣上春應至，明月樓

中夜未央。

鳳輦迎風乘紫閣，鸞車避日轉彤闈。中堂促管淹春望，後殿清

歌開夜扉。

寒食應制

韋承慶

鳳城春色晚龍禁，早暉通舊火收槐燧。餘寒入桂宮，鸞曉正隱

詩林詔漢卷第十二 節序

藥雞鬪始開籠，萬瑤山滿仙歌始樂風。

奉和九日幸臨渭亭登高應制

得發字

韋嗣立

層觀遠沈沈，鸞旗九日臨帷。

一作行

官歷水岸步輦入烟岑，枝上

萸新採，尊中菊始斟。願陪歡樂事長與，歲時深。

和中書侍郎楊再思春夜寓直鳳閣懷羣公

魏知古

拜門傳漏晚，寓直索居時。昔重安仁賦，今稱伯玉詩。鴛池滿不

溢，雞樹久逾滋。夙夜懷山甫，清風詠所思。

正月十五夜

蘇味道

火樹銀花合，星橋鐵鎖開。暗塵隨馬去，明月逐人來。遊伎皆穠

李行歌盡落梅金吾不禁夜玉漏莫相催一作催

守歲侍宴應制

杜審言

季冬除夜接新年帝子王孫捧御筵宮闕星河低拂樹殿庭燈燭上熏天彈絃奏節梅風入對局採鉤柏酒傳欲向正元歌萬壽暫畱歡賞寄春前

立春日侍宴內殿出剪綵花應制

李嶠

早聞年欲至剪綵學芳辰一作綺綵綠一作綺奇能似裁紅巧逼一作道真花從篋裏發葉向手中春不與時一作韻光競何名天上人

奉和七夕兩儀殿會宴應制

李嶠

靈匹三秋會仙期七夕過槎來人泛海橋渡鵲填河帝縷升銀

蘇韻藻卷第十二 節序

閣天機罷玉梭誰言七葉詠重一作流入五絃歌

九日幸臨渭亭登高應制得歡字

李嶠

令節三秋晚重陽九日歡仙杯還泛菊寶饌且調蘭御氣雲霄近乘高宇宙寬今朝萬壽引宜向曲中彈

立春日內出剪綵花應制

沈佺期

合殿春應早開箱綵預知花迎宸翰發葉待御筵披梅訝香全少桃驚色頓移輕生承剪拂長伴萬年枝

晦日溼水應制

沈佺期

素旌接宸居青門盛祓除摘蘭喧鳳野浮棗溢龍渠苑蝶飛殊懶宮鶯轉不疎星移天上入歌舞向儲胥

三日黎園侍宴

沈佺期

九重馳道出三已，禋堂開畫鷁中。  
流動青龍上苑來，野花飄御座。  
河柳拂天杯日晚，迎祥處，笙鏞下帝臺。

九日幸臨渭亭侍宴應制得長字

沈佺期

御氣幸金方，憑高薦羽觴。  
魏文頒菊蕊，漢武賜萸囊。

一作房

秋變

銅池色晴添銀樹光

一作去雀暫生  
吹掃馮識舞行

年年重九慶，日月奉天長。

和中書侍郎楊再思春夜宿直

沈佺期

西禁青春滿，南端皓月微。  
千廬宵駕合，五夜曉鐘稀。  
星斗橫綸閣，天河度瑣闔。  
烟花章裏紛，向夕郎飛。

和崔正諫登秋日早朝

沈佺期

蘇軾集卷第十三 節序

三

雞鳴朝謁滿露白，禁門秋爽氣臨旌。  
朝光映冕旒，河宗來獻寶。  
天子命焚裘，獨負池陽議。  
言從建禮遊。

奉和立春遊苑迎春

沈佺期

東郊暫轉迎春仗，上苑初飛行慶杯。  
風射蛟

一作狐

冰千片斷氣

衝魚鑰，九關開林中。  
竟草纔生蕙殿裏，爭花併是梅歌吹。  
銜恩歸路晚，棲鳥半下鳳城來。

奉和晦日駕幸昆明池應制

沈佺期

法駕乘春轉神馳，象漢迴雙星移。

一作遺

舊石孤月隱殘灰，戰鷁

逢時去，恩魚望幸來山

一作岸

花緹騎遠堤，柳幔城開逸橫汾。

唱歡流宴鑄杯微，臣彫朽質羞覩豫章材。

酬蘇員外味道夏晚寓直省中見贈

沈佺期

竝命登仙閣分曹

一作育

直禮闈大官供宿膳侍史護朝衣卷幔

天河入開窗月露微小池殘暑退高樹早

一作晚

涼歸冠劍無時

釋軒車待漏飛明朝題漢柱三署有光輝

上巳袞袞渭濱應制

沈佺期

寶馬香車清渭濱紅桃碧柳禊堂春皇情尚憶垂竿佐天瑞

一作

神先呈捧劍人

九月晦日上陽宮侍宴應制

宋之問

廣樂張前殿重裘感聖心砌蕙霜月盡庭樹雪雲深舊渥駭宸

御慈恩忝翰林微臣一何幸再得聽瑤琴

蘇東坡卷第十二 節序

四

奉和立春日侍宴內出剪綵花應制

宋之問

金閣妝仙

一作新

杏瓊筵弄綺梅人閒都未識天上忽先開曉鏡

香絲住蜂憐豔粉

一作粉豔

迴今年春色早應爲剪刀催

冬夜寓直麟閣

宋之問

直事披三省重關祕七門廣庭憐雪淨深屋喜爐溫月幌花虛

馥風窗竹暗喧東山白雲意茲夕寄琴尊

和庫部李員外秋夜寓直之作

宋之問

桐庭貽慶遠才子拜郎初起草議仙閣焚香卧直廬更深何欲

斷節勁柳偏疎氣耿凌雲筆心搖待漏車叨榮廁倚侶省已惡

空虛徒斐陽春扣難參麗曲餘

奉和晦日幸昆明池應制

宋之問

春豫靈池會

齊一葵云用  
春豫字便好

滄波帳殿開舟凌石鯨度槎拂斗牛

廻節晦蕙全落

又云要見得是正月晦  
急著偶句以足其意

春遲柳暗催象溟看浴

景燒劫辨沈灰鎬飲周文樂汾歌漢武才不愁明月盡自有夜珠來

奉和九日侍宴應制

得農字

李义

望幸紆千乘登高自九重臺疑臨戲馬殿似接疏龍捧篋萸香遍梅觴菊氣濃更看仙鶴舞來此慶時雍

奉和晦日幸昆明池應制

李义

玉輅尋春賞金堤重晦遊川通黑水浸

一作漫

地派紫泉流晃朗

詩詠藻第十二 節序

五

扶桑出絲聯杞樹周鳥疑填海處人似隔河秋劫盡灰猶識年移石故畱汀洲歸櫂晚簫鼓雜汾謳

奉和三日祓禊渭濱

李义

上林花鳥莫春時上巳陪遊樂在茲此日欣逢臨渭賞昔年空道濟汾詞

奉和聖製九日侍宴應制

得高字

李適

禁苑秋光入宸遊霽色高黃房頰綵筍菊蕊薦香醪後騎紫堤柳前旌拂御桃王枚俱得從淺愧飛毫

奉和立春遊苑迎春

李適

金輿翠輦迎春節御苑仙官待獻春淑氣初銜梅色淺條風半

拂柳牆新天杯慶壽齊南岳聖藻光輝動北辰稍覺披香歌吹  
近龍驤日莫下城闈

奉和立春內出綠花樹應制

武平一

鑿輅青旂下帝臺東郊上苑望春來黃鶯未解林閒嚙紅蕊先  
從殿裏開畫閣條風初變柳銀塘曲水半含苔欣逢睿藻光韶  
律更促霞觴畏景催

正月晦日侍宴滙水應制賦得長字

宗楚客

御輦出明光乘流泛羽觴珠胎隨月減玉漏與年長寒盡梅猶  
白風遲柳未黃日斜旌騎轉休氣展一作林塘

奉和九日幸臨渭亭登高應制得筵字 閻朝隱

詩林詔藻卷第二

節序

六

九九侍神仙高高坐半天文章二曜動氣色五星連簪綬趨皇  
極笙歌接御筵願因茱菊酒相守百千年

奉和七夕宴兩儀殿應制

劉憲

秋吹過雙闕星仙動二靈更溪移月鏡河淺度雲駟殿上呼一作  
方朔人閒失武丁天文茲夜裏光映紫微庭

奉和七夕兩儀殿會宴應制

趙彥昭

青女三秋節黃姑七日期星橋度玉珮雲閣掩羅帷河氣通仙  
掖天文入睿詞今宵望靈漢應得見蛾眉

奉和九日幸臨渭亭登高應制

趙彥昭

秋像疑仙覽宸遊轉翠華呼鷹下鳥路戲馬出龍沙紫菊

壽丹夷辟舊邪須陪長久宴歲歲奉吹花

奉韋舍人元旦早朝

徐彥伯

夕轉清壺漏晨驚長樂鐘逶迤綸禁客假寐守銅龍余亦趨三  
殿肩隨謁九重繁珂接曙響華劍比春容相問韶光歇彌憐芳  
意濃願言乘日盱攜手即雲峰

奉和立春遊苑迎春應制

韋元旦

灞浹長安恒一作常近日殷正臘月早迎新池魚戲葉仍含凍宮

女裁花已作春向苑雲疑承翠幄入林風若起青蘋年年斗枘  
東無限願挹瓊觴壽北辰

奉和立春遊苑迎春應制

崔日用

詩林韻藻卷第七 節序

七

乘時迎氣正璿衡灞漉烟氛向晚清剪綺裁紅妙春色宮梅殿  
柳識天情瑤管綵燕先呈瑞金縷晨雞未欲鳴聖澤陽和宜宴  
樂年年捧日向東城

奉和立春日內出彩花樹應制

岑 羲

和風助律應韶年清蹕乘高入望仙花笑鶯歌迎帝輦雲披日  
霽俯皇川南山近壓一作獻仙樓一作杯上北斗平臨御辰一作座前

一奉恩榮同鑄宴一作歡空知率舞聽熏絃

奉和九日幸臨渭亭登高應制得餘字 蕭至忠

望幸三秋莫登高九日初朱旗巡漢苑翠帟俯秦墟寵極黃房  
遍思浚菊耐餘承歡何以荅萬億奉宸居

奉和九日幸臨渭亭登高應制得亭字 楊廉

遠目瞰秦坳重陽坐灞亭既開黃菊酒還降紫微星簫鼓迎仙  
曲山河入畫屏幸茲陪宴喜無以效丹青

奉和九月九日幸臨渭亭登高應制得樽字

于經野

御氣三秋節登高九曲門桂筵羅玉俎菊醴溢芳樽遵渚歸鴻  
度承雲舞鶴騫微臣濫陪賞空荷聖明恩

三月三日詔宴定昆池宮莊賦得筵字 張說

鳳皇樓下對一作帶天泉鸚鵡洲中匝一作雜管絃舊識平陽佳麗

地今逢上已盛明年舟將水動千尋日暮共林橫兩岸烟不降

詩林韻藻卷第十二 節序

王人觀稷飲誰令醉舞拂賓筵

奉和聖製寒食作應制 張說

寒食春過半花穠鳥復嬌從來禁火日會接清明朝鬪敵雞姝  
勝爭毬馬絕調晴空數雲點香樹百風搖改木迎新燧封田表  
舊燒皇情愛佳節傳曲與簫韶

端午三殿侍宴應制探得魚字 張說

小暑夏絃應徽音一作微陰商管初願齋一作齋長命縷來續大恩餘

三殿褰珠箔羣官上玉除助陽嘗麥稊順節進龜魚甘露垂天

酒芝花一作盤捧御書合丹同蝦蚶灰骨共蟾蜍今日傷蛇意銜

珠遂闕如

九日進茱萸山詩五首

張說

家居洛陽下舉目見嵩山刻作茱萸節情生造化間  
黃花宜泛酒青嶽好登高稽首明廷內心爲天下勞

菊酒攜山客萸囊繫牧童路疑隨大隗心似問鴻蒙

九日重陽數三秋萬實成時來謁軒后罷去坐蓬瀛

晚節歡重九高山上五千醉中知遇聖夢裏見尋仙

奉和三日祓禊渭濱應制

張說

青郊上巳豔陽年紫禁皇遊被渭川幸得歡娛承湛露心同草  
樹樂春天

十五日夜御前口號蹋歌詞二首

張說

詩詔漢卷第十二節序

九

花萼樓前雨露新長安城裏太平人龍銜火樹千重一作豔雜

蹋蓮花萬歲一作樹春

帝宮三五戲春臺行雨流風莫如來西域燈輪千影合東華金

闕萬重開

立春日侍宴內出剪綵花應制  
蘇頌

曉入宜春苑穠芳吐禁中剪刀因裂素妝粉爲開紅彩異驚流

雪香饒點便風裁成識天意萬物與花同

奉和七夕宴兩儀殿應制  
蘇頌

靈媛乘秋發仙裝警夜催月光窺欲渡河色辨應來礪石天文

寫針樓御賞開竊觀棲鳥至疑向鶴橋迴

奉和九日幸臨渭亭登高應制

得時字

蘇頌

嘉會宜長日高筵順動時  
曉光雲外洗晴色雨餘滋  
降霍因韶德吹花入御詞  
願陪陽數節億萬九秋期

奉和聖製九日侍宴應制

蘇頌

并數登高日延齡命賞時  
宸遊天上轉秋物雨來滋  
降霍承仙馭吹花入睿詞  
微臣復何幸長得奉恩私

奉和晦日幸昆明池應制

蘇頌

炎曆事邊陲昆明始鑿池  
豫遊先後聖征戰罷前規  
霽色清珍宇年芳入錦陂  
御杯蘭薦葉仙仗柳交枝  
二石分河瀉雙珠代月移  
微臣比翔泳恩廣自無涯

詩林韶漢卷第十

節序

十

秋夜寓直中書呈黃門舅

蘇頌

簾櫳上夜鉤清切聽更籌  
忽共雞枝老還如騎省秋  
循庭喜三人對渚憶雙遊  
紫綬名初拜黃縑迹尙留  
月舒當北幌雲賦直東樓  
恩渥迷天施童蒙慰我求  
遲君台鼎節聞義一承流

正月十五日夜應制

孫逖

一作沈徐期

洛城三五夜天子萬年春  
綵仗移雙闕瓊筵會九賓  
舞成蒼頡字燈作法王輪  
不覺東方日遙垂御藻新

秋夜寓直卽事懷贈蕭令公  
裴侍郎兼通簡南省諸友

人

王灣

聖主萬年興賢臣敷載升  
古靈傳嶽秀宏量稟川澄  
畿甸舉長

策風霜乘直繩出車遙俗震登閣滿朝稱賦簡流亡輯農安政  
理憑還家新長幼巡壠舊溝塍忠梗大勳立寰瀛墮業懲焚香  
兼御史懸鏡委中丞旗隼當朝立臺驄發郡乘司徒漢家重國  
典潁川徵雲路俄平入台階忽上凌秉鈞調造化宣綍慰黎蒸  
全省方秋作瑤軒直夜凭中書贈陳準右相簡王陵三傑賢更  
穆百僚歡且兢搖懷及賓友計曲辨淄澠閭闔冥陰散鉤陳爽  
氣凝月浚宮樹轉河近禁樓冰早吏夙驅策微涓效斗升望麾  
宵繼火書檄一作板曙懷蒸彼此雖流盼規模轉服膺惠將霄漢  
隔勞或歲時矜位重恩寧濫才輕懾不勝林巒甘獨往疵賤苦  
相仍敢忘銜花雀思同附驥蠅平生逐烏雀何日嗣蒼鷹

詩林龍叢卷第十二 節序

十一

奉和聖製三月三日

陳希烈

上巳迂龍駕中流泛羽觴酒因朝太子詩爲樂賢王錦纜方舟  
渡瓊筵太樂張風搖垂柳色花發異林香野老歌無一作無公事朝  
臣飲歲芳皇情被羣物中外洽恩光

同崔員外秋宵寓直

王維

建禮高秋夜承明候曉過九門寒漏徹萬井曙鐘多月迴藏珠  
斗雲消出絳河更慙衰朽質南陌共鳴珂

奉和聖製與太子諸王三月三日龍池春禊應制

王維

故事修春禊新宮展豫遊明君移鳳輦太子出龍樓賦掩陳王

作杯如洛水流金人來捧劍畫鶴去迴舟苑樹浮宮闕天池昭  
冕旒宸章在雲表一作漢垂象滿皇州

奉和聖製上巳於望春亭觀禊飲應制 王維

長樂青門外宜春小苑東樓開萬井一作戶上輦過一作人向百花中

畫鶴移仙仗一作伎金貂列上公清歌邀落日妙舞向春風渭水

明秦甸黃山入漢宮君王來被袂灑澹亦朝宗

三月三日曲江侍宴應制

王維一作揚巨源

萬乘親齋祭千官喜豫遊奉迎從上苑被袂向中流草樹連營  
衛山河對冕旒畫旗搖浦澹春服滿汀洲仙籟龍媒下神臯鳳  
蹕留從今億萬歲天寶紀春秋

詩林警策第十二 節序

三月三日勤政樓侍宴應制

王維

絲仗連宵合瓊樓拂曙通年光三月裏宮殿百花中不數秦王  
日誰將洛水同酒筵嫌落絮舞袖怯春風天保無爲德人歡不  
戰功仍臨九衢宴更達四門聰

春和聖製十五夜然燈繼以酺宴應制 王維

上路笙歌滿春城刻漏長遊人多晝日明月讓燈光魚鑰通翔  
鳳龍輿出建章九衢陳廣樂百福透名香仙伎來金殿都人遠

玉堂定應偷妙一作豔舞從此學新妝奉引迎三事司儀列萬方

願將天地壽同以獻君王

春日直門下省早朝

王維

騎省直明光雞鳴謁建章遙聞侍中珮聞識令君香玉漏隨一作

惟一作銅吏天書拜一作夕郎旌旗映闔闔歌吹滿昭陽官舍梅初

紫宮門柳欲黃願將遲日意同與聖恩長

和刑部成員外秋夜寓直寄臺省知己 岑 參

別宿光三署仙郎直五宵時衣天子賜厨膳大官調長樂鐘應  
近明光漏不遙黃門持被覆侍女捧香燒筆爲題詩點燈綠起  
草挑竹喧交砌葉柳鞞拂牕條粉署榮新命霜臺憶舊寮名香  
播蘭蕙重價蘊瓊瑤擊水翻滄海搏風透赤霄微才喜同舍何  
幸忽聞詔

奉和上巳祓禊應制 崔國輔

詩林詔獲卷第士 節序

三

元巳秦中節吾君灞上遊鳴鑿通禁苑別館遶芳洲鷓鴣千官  
列魚龍百戲浮桃花春欲盡穀雨夜來收慶向堯樽祝歡從楚  
權謳逸詩何足對官作掩東周

九日侍宴應制 崔國輔

運偶千年聖時傳九日神堯樽列鐘鼓漢闕闕鉤陳金籙三清  
降瓊筵五老巡始驚蘭佩出復詠柏梁新雲雁樓前晚霜花酒  
裏春歡娛無限極書劍太平人

春宿左省 杜 甫

花隱掖垣莫啾啾棲鳥過星臨萬戶動月傍九霄多不寢聽金  
鑰因風想玉珂明朝有封事數問夜如何

至日遣與奉寄北省舊閣老兩院故人二首

杜甫

憶昨逍遙供奉班，去年今日侍龍顏。  
麒麟不動爐烟上，孔雀徐開扇影還。  
玉几由來天北極，朱衣只在殿中閒。  
孤城此日堪腸斷，愁對黃雲雪滿山。

去歲茲辰捧御床，五更三點入鵷行。  
欲知趨走傷心地，正想氤氳滿眼香。  
無路從容陪笑語，有時顛倒著衣裳。  
何人錯憶窮愁日，愁日愁隨一綫長。

三月三日曲江侍宴應制

趙良器

聖祖發神謀，靈符叶帝求。  
一人光錫命，萬國荷時休。  
雷解圖丘

詩韻藻卷第七

節序

苗

旱雲雷曲水，遊岸花迎步。  
輦仙仗擁行舟，睿藻天中降。  
恩波海外流，小臣同品物。  
陪此樂皇猷。

奉和中書常舍人晚秋集賢院卽事寄贈徐薛二侍御

獨孤及

漢家金馬署，帝座紫微郎。  
圖籍凌羣玉，歌詩冠柏梁。  
陰陰萬年樹，肅肅五經堂。  
揮翰忘朝食，研精待夕陽。  
晴空露盤迴，秋月鎖窗涼。  
遠興生班鬢，高情寄縹囊。  
蕤雙鸞，鳳昔並翔翔。  
汲冢同刊謬，蓬山共補亡。  
差池摧羽翮，流落限江湘。  
禁省一分袂，旻天三兩霜。  
石渠遺跡滿，水國莫雲長。  
早晚朝宣室，歸時道路光。

應詔賦得除夜

史

青一

今歲今宵盡，明日催寒隨。一夜去春逐，五更來氣色。空中改容顏，暗裏回風光。人不覺已著一作入後園梅。

晚秋集賢院卽事寄徐薛二侍郎

常袞

穆穆上清居，沈沈中祕書。金鋪深內殿，石甃淨寒渠。花樹臺斜倚，空烟閣半虛。縹囊披錦繡，翠軸卷瓊瑤。墨潤冰文蘭，香銷蠹字魚。翻黃桐葉老，吐白桂花初。舊德雙遊處，聯芳十載餘。北朝榮庾薛，西漢盛嚴徐。侍講親華展，徵吟步綺疏。綴簾金翡翠，賜研玉蟾蜍。序秩東南遠，離憂歲月除。承明期重入，江海意何如。

春日早朝應制

竇叔向

詩林韻藻卷第三 節序

五

紫殿俯千官，春松應合歡。御爐香焰暎，馳道玉聲寒。乳燕翻珠綴，祥鳥集露盤。宮花一萬樹，不敢舉頭看。

奉酬李舍人秋日寓直見寄

張南史

秋日金華直，遙知玉佩清。九重同更肅，五色詔初成。槐落宮中影，鴻高苑外聲。翻從魏闕下，江海寄幽情。

春夜寓直

錢起

養性慣雲臥，爲郎如鳥棲。不知仙閣峻，惟覺玉繩低。帳喜香烟暎，詩慚賜筆題。未央春漏促，殘夢謝晨雞。

奉和中書舍人晚秋集賢院卽事寄徐薛二侍御

錢起

文星垂太虛，辭伯綜羣書。彩筆下鴛掖，衣來石渠典。墳探奧

旨造化觀權輿述聖魯宣父通經漢仲舒窗明宜縹帶地肅近  
丹除清晝刪詩暇高秋作賦初露盤侵漢聳宮柳度鴉疎靜對  
連雲閣晴聞過關車舊僚云出矣晚歲復何如海嶠瞻歸路江  
城寢直盧含毫思兩鳳望遠寄雙魚定笑巴歌拙還參麗曲餘

晚秋西省寄上李韓二舍人

司空曙

晝漏傳清唱天 禁旅秋鴈親承露掌砧隔暴衣樓賜膳中人  
送餘香侍女收仍聞勞上直晚步鳳池頭

和耿拾遺元日觀早朝

司空曙

元日爭朝闕奔流若會溟路塵和薄霧騎火接低星漏促一作門響  
雙魚鑰車喧百子鈴見旒當翠殿幢戟滿彤庭表歲方編瑞乘

詩集卷第十二 節序

二六

春卽宥刑諸侯陳禹王司曆獻堯莫壽酒三觴退簫韶九奏停  
太陽開物象沛澤及生靈南陌祥光紫東方曉氣青自憐揚子  
賤歸草太玄經

奉和常舍人袞晚秋集賢院卽事寄徐薛二侍郎

司空曙

藹藹鳳皇宮蘭臺玉署通夜霜凝樹羽朝一作晚日照相風官亞

三台貴備開百氏宗司言陳禹命一作拜侍講發堯聰香卷青編

內鉛分綠字中綴籤從太史鏘珮揖羣公池接天泉碧林交御

果紅寒龜登故一作敗葉秋蜨戀疎叢顏謝徵文並鍾裴直一作議

事同離羣驚海鶴屬思怨江楓地遠姑蘇外山長越絕東慙當

元日觀百僚朝會

包佶

萬國賀唐堯清晨會百寮花冠蕭相府繡服霍嫖姚壽色凝丹  
檻歡聲徹九霄御爐分獸炭仙管弄雲韶日照金觴動風吹玉  
珮搖都城獻賦者不得共趨朝

奉和常閣老晚秋集賢院卽事寄贈徐薛二侍郎

包佶

祕殿掖垣西書樓苑樹齊秋烟凝縹帙曉色上璇題門接承明  
近池連太液低疎鐘文馬駐繁葉綠禽棲職美綸將綉榮滾組  
及珪九霄偏眷顧三事早提攜對案臨青玉窺書捧紫泥始歡

詩林路變卷第十 節序

七

新遇重還惜舊遊睽左宦登吳岫分家渡越溪賦中頻歎鵬卜  
處幾聽雞望闕應多戀臨津不用迷柏梁思和曲朝夕侯金閨  
元日早朝呈故省諸公

盧綸

萬戟凌霜布森森瑞氣閒垂衣當曉日上壽對南山濟濟延多  
士躑躑舞百蠻小臣無事諫空媿伴鳴環

元日朝廻中夜書情寄南宮二故人 盧綸

鳴珮隨鵷鷺登階見冕旒無能裨聖代何事別滄洲閑夜貧還  
醉浮名老漸羞鳳城春欲晚卽更憶同遊

和常舍人晚秋集賢院卽事十二韻寄贈江南徐薛二

侍郎

盧綸

綸閣九華前森沈綺仗連洞門開旭日清禁肅秋天霜滿朝容  
備鐘餘漏唱傳挫璫陪羽扇端弁入爐烟麟筆刪金篆龍綃薦  
玉編汲書荀勗定漢史蔡邕專御竹潛通筍宮池暗瀉泉亂叢  
紫弱蕙墜葉灑枯蓮列署齊遊日重江並謫年登封思議草侍  
講憶同筵滄海風濤廣黝山瘴雨偏惟應絨上寶贈遠一呈妍  
奉和戶曹叔夏夜寓直寄呈同曹諸公并見示

盧綸

斂板捧清詞恭聞侍直時  
莫塵歸衆騎遂宇捨諸司  
華月先燈至清風與簾隨  
亂螢光熠熠行樹影離離  
龍卧人寧識鵬搏影豈知  
便應當五夜敢望竹林期

蘇韻藻卷第十一 節序

大

元日早朝

耿漳

九陌朝臣滿三朝候鼓賒  
遠珂時接韻攢炬偶成花  
紫貝爲高闕黃龍建大牙  
參差萬戟合左右八貂斜  
羽扇分朱檻金爐隔翠華  
微風傳曙漏曉日上春霞  
環珮聲重疊蠻夷服等差  
樂和天易感山固壽無涯  
渥澤千年聖車書四海家  
盛明多在位誰得守蓬麻

至日登樂遊園

裴度

陰律隨寒改陽和應節生  
祥雲觀魏闕瑞氣映秦城  
驗炭論時政書雲受歲盈  
暑移長日至霧斂遠霄明  
景暎仙梅動風柔御

柳傾那堪封得意空對物華清

寒食直歸一作宿遇雨

韓愈

寒食時看度春遊事已遲風光連日直陰雨半朝一作晴歸不見

紅毬上那論絲索飛惟將新賜火向曙著朝衣

奉和庫部盧四兄曹長元日朝迴盧汀也韓愈

天仗宵嚴建一作樹羽旄春雲送色曉雞號金爐香動螭頭暗玉

珮聲來雉尾高戎服上趨承北極儒冠列侍映東曹太平時節

難身遇郎署何須歎二毛

春日退朝

劉禹錫

紫陌夜來雨南山朝下看戟枝迎日動閣影助松寒瑞氣卷綉

縠遊光浮集作泛波瀾御溝新柳色處處拂歸鞍

讀詩集卷第十二 節序

元

元日觀朝

楊巨源

北極長尊報聖期周家何用問元龜天顏入曙千官拜元日迎

春萬物知閭闔迴臨黃道正衣裳高對碧山垂微臣願獻堯人

祝壽酒千年太液池

元日合元殿下立仗上門下相公二首 楊巨源

天垂台燿掃挽槍壽獻香山祝聖明丹鳳樓前歌九奏金雞竿

下鼓千聲衣冠南面熏風動文字東方喜氣生從此登封資廟

罍兩河連海一時清

臨軒啓扇似雲收率土朝天劇水流瑞色含春當正殿香烟捧

日在高樓三朝氣早迎恩澤萬歲聲長繞見旒請問漢家功第

一麒麟閣上識鄴侯

元日朝下呈元逢吉舍人

楊巨源

華夷文物賀新年霜仗遙排鳳闕前一片絳霞迎曉日萬條銀  
燭動春天稱觴山色和元氣端冕爐香疊瑞烟共說正初當聖  
澤試過西掖問羣仙

寒食內宴二首

張籍

朝光瑞氣滿宮樓綵纛魚龍四面稠廊下御廚分冷食殿前飛  
騎逐香毬千官盡醉猶教坐百戲皆呈未放休共起一作喜拜恩  
侵夜出金吾不敢問來一作由

詩林詔卷第十 節序

三

城闕沈沈向曉寒恩當冷節賜餘歡瑞烟深處開三殿香雨微  
時引百官寶樹樓前分繡幕絲花廊下映朱闌宮筵戲樂年年  
別已得三回對御看

春日早朝

張籍

曉陌春寒朝騎來瑞烟深處見樓臺夜來新雨沙堤溼東上閣  
門應未開

春夜宿直

白居易

三月十四夜西垣東北廊碧梧葉重疊紅藥樹低昂月砌漏幽  
影風簾飄閣香禁中無宿客誰伴紫微郎

夏夜宿直

白居易

人少定宇曠夜涼風露清槐花滿院氣松子落階聲寂莫挑燈

坐沈吟蹋月行年衰自無趣不是厭承明

上元日恩賜曲江宴會真卽事

白居易

賜歡仍許醉此會興知何翰苑主恩重曲江春意多花低羞豔  
妓鶯散讓清歌共道昇平樂元和勝永和

晚春重到集賢院

白居易

官曹清切非人境風日鮮明是洞天滿砌荆花鋪紫毯隔牆榆  
莢撒青錢前時謫去三千里此地辭來十四年虛薄至今慙舊  
職院名擡舉號爲賢

宮前早春

王建

酒幔高樓一百家宮前楊柳寺前花內園分得溫湯水三月中

蘇轍卷第三 節序

三

旬已進

一作  
破瓜

元日仗

張祐

文武千官歲仗兵萬方同軌奏昇平上皇一御含光殿丹鳳門  
開白日明

正月十五夜燈

張祐

千門開鑠夜燈明正月中旬動帝京三百內人連袖舞一時天  
上著詞聲

元日陪早朝

歐陽詹

斗柄東迴歲又新遂旒南面挹來賓和光彷彿樓臺曉休氣氛  
氳天地春儀籥不唯丹穴鳥稱觴半是越裳人江臯腐草今何

幸亦與垣星拱北辰

春日早朝寄劉起居

姚合

九衢寒霧斂雙闕曙光分  
綵仗迎春日香烟接瑞雲  
珮聲清漏閒天語侍臣聞  
莫笑馮唐老還來謁聖君

和劉禹錫主客冬初拜表懷上都故人

姚合

九陌喧喧騎吏催百官拜表  
禁城開林疎晚日明紅葉  
塵靜寒霜覆綠苔玉珮聲微  
班始定金函光動案初來  
此時共想朝天客謝食方從  
閣裏迴

西掖寓直春曉聞殘漏

姚合

直廬仙掖近春曙猶寒隱隱  
銀河在丁丁玉漏殘微風飄  
更

蘇齋遺卷第十一 節序

三

切萬籟雜應難鳳閣明初啓  
雞人唱漸闌靜宜來禁裏清  
是下雲端我識朝天路從容  
自整冠

早春閣下寓直蕭九舍人亦直內署因寄書懷四韻

杜牧

御水初銷凍宮花尚怯寒千  
峰橫紫翠雙闕凭闌干玉漏  
輕風順金莖澹日殘王喬在  
何處清漢正驂鸞

秋日候扇

許渾

宵衣應待絕更籌環珮鏘鏘  
月下樓井轉輓轆千樹曉鏢  
閒闌闔萬山秋龍旗盡列一作  
趨金殿雉扇纔分拜玉旒  
虛載鐵冠

無一事滄江歸去老漁舟  
一作滄江歸老釣漁舟

十二月拜起居表回

許渾

一章西奏拜仙曹回馬天津非望勞寒水欲春冰彩薄曉山初  
霽雪峰高樓形向日攢飛鳳宮勢凌波壓并鼇空鎖烟霞絕  
幸周人誰識鬱金袍

和重陽錫宴御製詩

魏謨

四方無事去宸豫杪秋來八水寒光起千山霽色開

冬夜和范祕書宿祕省中作

李頻

每日得閑吟清曹闕下深因知遙夜坐別有遠山心芸細書中  
氣松疎雪後一作陰歸幾時高興足還復插朝簪

歲仗

羅鄴

詩林韻藻第三 節序

三

玉帛朝元萬國來雞人曉唱五門開春排北極迎仙仗日捧南  
山入壽杯歌舜熏風鏗劍珮祝堯佳氣靄樓臺可憐四海車書  
共重見蕭曹佐漢材

元日樓前觀仗二首

薛逢

千門曙色鏤寒梅五夜疎鐘曉箭催寶馬占堤朝闕去香車爭  
路進名來天臨玉几班初合日照金雞仗欲迴更傍紫微瞻北  
斗上林佳氣滿樓臺

瞳瞳初日照樓臺漠漠祥雲雉扇開星駐冕旒三殿曉雲翻珠

翠六宮來山呼聖壽烟霞動風轉金章鳥獸迴欲識普恩無遠

近萬方歡抃一聲雷

初秋寓直三首

鄭 畋

曉星獨挂結麟樓，三殿風高藥樹秋。  
王笛數聲飄不住，問人依約在東頭。

宿鳥翩翩落照微，石臺樓閣鎖重扉。  
步廊無限金羈響，應是諸司扈從歸。

幽閣焚香萬慮凝，下簾胎息過禪僧。  
玉堂分照無人後，消盡金盆一盃冰。

中秋禁直

韓 偓

星斗疎明禁漏殘，紫泥封後獨憑欄。  
露和玉屑金盤冷，月射珠光貝闕寒。  
天襯樓臺籠苑外，風吹歌管下雲端。  
長卿祇爲長門

詩林堂漢卷第十 節戶

古

賦未識君臣際會難

春日一作夕

伴同年禮部趙員外省直

鄭 谷

錦帳名郎重錦窠，清宵寓直縱吟哦。  
冰含玉鏡春寒在，粉傅仙闈月色多。  
視草卽應歸屬望，握蘭知道暫經過。  
流鶯百轉和殘漏，猶把芳尊藉露莎。

八月十五夜禁直寄同僚

吳 融

中秋月滿盡相尋，獨入非烟宿禁林。  
曾恨人間千里隔，更堪天上九門深。  
明涵太液魚龍定，靜鎖圓靈象緯沈。  
目斷枚臯何處在，闌干十二憶登臨。

又賦早春書事

南唐徐 鉉

苑裏芳華早皇家勝事多弓聲達春氣奕思養天和煥酒紅爐  
火浮舟綠水波雪晴農事起擊壤聽賡歌

早春左省寓直

徐鉉

旭景鸞臺上微雲象闕閒時清政事少日永直官閑遠籟飛簫  
管零冰響珮環終軍年二十默坐卽玄關

早春旬假獨直寄江舍人

徐鉉

省署皆歸沐西垣公事稀詠詩前砌立聽漏向申歸遠思風飄  
酒餘寒雨溼衣春光已堪探芝蓋共誰飛

翰林游舍人清明日入院中塗見過余明日亦入西省

上直因寄游君

徐鉉

詩詠韶濩卷第三 節序

五

榆柳開新焰梨花發故枝輜輶隘城市圭組坐曹司獨對芝泥  
檢遙憐白馬見禁林還視草氣味兩相知

奉和御製社日詩

宋楊億

仙掌凌空沆漉秋大田多稼似雲浮天邊霽景芙蓉闕江上殘  
芳杜若洲東觀羣儒宜宴樂南荆遺俗重嬉遊宸章忽降容瞻  
覩疑是神龜負九疇

暑詠寄梅集賢

楊億

點綴鮮雲紫宙寬微風浙浙起霜紈魏臺清暑開冰井漢殿延  
年啜露盤天外一飛期汗漫水邊千畝憶檀欒流波意密知音  
少可得延陵爲試觀

苦熱

楊億

極目天長度鳥稀  
纖羅不動轉晨暉  
已裁圓月班姬扇  
更換輕雲子產衣  
河朔一時觴對舉  
臨淄萬井汗交揮  
冰丸雪散成虛設  
欲借鸞輪狝紫微

上巳玉津園賜宴

楊億

襖飲逢元巳春遊盛  
舞雩流杯傳楚俗  
飲賜出堯厨  
玉樹天開苑銀潢  
水貫都肆筵環曲沼  
飛蓋塞交衢  
洛邑聲詩逸  
蘭亭歲月徂  
顏王有遺韻  
待子一操觚

苦熱

錢惟濟

蘋末風休飛閣濠  
亭亭日馭漸流金  
火雲接影橫銀漢  
水鳥無

詩林韶華卷第三 節序

三

聲下翠陰渴想孤山同  
飲露煩思楚殿獨披襟  
柘漿炬收都無味  
衛玠清羸欲不任

燈夕寄獻內翰號畧公

錢惟演

崑闕翬飛河漢傍  
勾陳遙認赭袍光  
九枝火樹連金狄  
萬里霜輪上  
碧瑤匝地行車珠  
網細照天晨燎  
紫沈香祗聞鼉嶺  
神仙客再拜雲邊  
捧壽觴

苦熱

錢惟演

赫日烘霞鬪曉光  
雙文桃萼碧牙牀  
頻傾密勺寧蠲渴  
久捧冰壺未覺涼  
雪嶺卻思隨博望  
風窗尤欲傲羲皇  
更憐乳燕翻飛處  
深入盧家白玉堂

上巳玉津園賜宴

錢惟演

漢家傳洛飲楚俗泛蘭泉玉液初頒酒金盤屢擊鮮弭彤尋竹  
籞傾葢集芝廬錦羽翻晴旭霞英落暝烟雅音和舜樂睿澤洽  
堯天更聽承雲曲同歌在鎬年

暑詠寄梅集賢

劉筠

石渠岌業五宛虹玄蔭清流接桂宮玉女壺歆天未笑羲和轡  
緩日方中孝先便腹寧無諠痾僂承蜩敢銜功蠲渴欲來飛雪  
散南昌世胄有仙風

苦熱

劉筠

六幕雲收萬籟沈結瑤千尺倦登臨七盤妙舞頻揮汗五色嘉

詩林韻藻卷第七 節序

七

瓜牙鎮心極目嶺梅寧止渴拂波官柳漫垂陰祗憂火解神仙  
骨賴有泉聲發素琴

上巳玉津園賜宴

劉筠

需雲分渥澤袂飲恣歡遊緹幕侵晨設蘭泉對席流蕙肴清蕙  
莆玉醴湛金甌春服萋萋盛光風盪盪浮桐華濃竟發鶯語巧  
相求好曲新聲合斜陽醉未休

燈夕寄獻內翰號畧公

李宗諤

東城南陌盡遊人陌上香車起暗塵歷歷星榆光奪晝煌煌火  
樹豔爭春章溝五鼓催行樂衛尉千廬罷徼巡應念龍山方併  
宿紫泥封後獨頻伸

初秋直宿

晏殊

絳河星斗夜闌干  
禁暑沈沈閉九關  
上帝冊書羣玉府  
仙人宮闕巨鼇山  
涼蟾影度秋陰薄  
促漏聲來夜唱閑  
擁鼻吟吟多欲愁  
絕巖鐘淒斷樹鳥還

中書秋夜有懷青社舊遊

寇準

掖垣秋色生雞樹  
忽憶青丘感舊情  
曾倚西樓吟暮雨  
數峯寒碧遶高城

奉和御製上元觀燈

夏竦

魚龍曼衍六街呈  
金鎖通宵啓玉京  
冉冉遊塵生輦道  
遲遲春箭入歌聲  
寶坊月瞰龍燈澹  
紫館風微鶴隊平  
安罷南端天欲曉  
迴瞻河漢尚盈盈

詩林留漢卷第三

節序

天

曉迴瞻河漢尚盈盈

閏十二月望日立春禁中作

宋郊

閏曆先春破臘寒  
絲花金勝寵千官  
冰從太液池邊動  
柳向靈和殿裏看  
瑞氣因風生禁仗  
暎暉依日上仙盤  
須知聖運隨生殖  
萬國年年共此懽

寒食假中作

宋祁

九門烟樹蔽春塵  
小雨初晴撥火煎  
草色引開盤馬地  
簫聲催喚賣餠天  
縈絲早絮輕無著  
弄袖和風細可憐  
鼈署侍臣貪食出  
沐珉糜珠餽愧頒宣

癸丑燈夕

韓琦

爭放紅蕖燦紫沈勝遊誰肯惜千金人和更有笙歌助酒美應  
無巷陌浚化國光陰方甚永洞天風物不難尋如何可致吾民  
樂長似熙熙此夜心

和春卿學士上元罷燈

韓琦

絲竹沈聲月泛波警宵方喜罷誰何樓浚酒密客留易路遠香  
殘人去多寒燭倚蓮猶結淚淡雲歸隴不停歌那知夢穩瀛洲  
上正是鈞天九奏和

是夕館宿開  
宮中奏樂

清明日玉津園賜宴卽席

文彥博

節應桐華始筵開禁苑新推恩緣舊物加惠及陳人衆樂聞天  
奏同寅會柄臣蘭肴享豐潔桂酌酌芳醇覆育需雲廣涵濡湛  
露均桑榆垂晚景何路報堯仁

詩林韻藻卷第十二 節序

无

禁林春日

李昉

疎簾搖曳日輝輝直閣浚嚴半掩扉一院有花春晝永八方無  
事詔書稀樹頭百轉鶯鶯語梁上新來燕燕飛豈合此身居此  
地妨賢尸祿自知非

次韻和江鄰幾九月五日省直

司馬光

羣駒布路散瘦馬解鞍迴雨闌虫聲樂秋浚菊意催圖書紛自  
適僚友邈誰陪何以消寒夜殘醪不滿杯

恭和御製上元觀燈

王和甫

鑿輿清曉出瑤臺羽衛瞻迎扇影開鳳闕張燈天上坐雞林獻

曲海邊來修文可笑秦無策能賦休誇楚有才星漢未斜鈞樂  
闕君王宣示萬年杯

上巳遊金明池

王立之

遊絲墮絮惹行人酒肆歌樓駐畫輪鳳管遏回雲冉冉龍舟衝  
破浪粼粼日斜黃繖歸馳道風約青帘認別津朝野歡娛真有  
象壺中要看四時春

和昭文相公上巳宴

歐陽修

一雨初消九陌塵兼蘭修禊及芳辰恩深始錫龍池宴節止頒  
知鳳曆新

是歲始頒明天新曆二月三日丁巳

紅琥珀傳杯激豔碧琉璃瑩水滄

淪上林未放花齊發畱待鳴鞘出紫宸

蘇轍漢卷第十二 節序

三

三日赴宴口占

歐陽修

賜飲初逢禊節佳昆池新漲碧無涯九門寒食多遊騎三月春  
陰正養花共喜流觴修故事自憐雙鬢惜年華鳳城殘照歸鞍  
晚禁籩無風柳自斜

和武平學士歲晚禁直書懷五言二十韻

歐陽修

多病淹殘歲初寒卧直廬朝廷務清靜鈴索少文書嚮學今爲  
盛優賢古莫如覲嚴嚴禁署

一作閤

閑燕樂羣居賜馬聯金絡清

塵侍玉輿討論三代盛獻納萬機餘號令存寬大文章復古初  
笑譚揮翰墨俄頃別瓊瑤夜漏銷官燭春暉上玉除歌詩唐李

杜言語漢嚴徐自顧追時彥多慙不鄙予無鹽頰刻畫寒谷借  
吹噓朋友飛離鷺君臣在藻魚貪榮同衛鶴取笑類黔驢咬皎  
心雖在蕭蕭髮已疎未知論報效安得逐樵漁雲破西山出江  
橫畫閣虛餘生歎勞止搔首念歸歎引綬誇民吏椎牛會里閭  
一麾終得請此計豈躊躇

十二月十六日後殿朝謁

孔武仲

晨光先到帝王州別殿珠簾不上鉤萬歲聲齊山獻壽九門朝  
退海分流參差雉尾回丹陛杳遠雞聲下禁樓年少曾來奏詞  
賦釣天卻記夢中遊

夏日入館

孔武仲

詩林韻藻卷第二

節序

三

青驄曉轉綠槐陰金碧重重魏闕深洞裏天花長帶露門前畏  
日自流金雲臺朱檻鄰星斗石室牙籤照古今宦學從來難兩  
得君恩優假是書林

次韻沖卿上元從駕至集禧觀偶成

王安石

昭陵持橐從遊人更見熙寧第四春寶構中開移玉座華燈錯  
出映朱塵輦前時看新歌舞仗外還從舊徼巡投老逢時迫往  
事卻含愁思度天津

次韻陪駕觀燈

王安石

繡含風下玉除宮商挾奏斐然殊福祥周室流爲火恩澤堯  
躡散在衢伏枕但能知廣樂揮毫何以報明珠願畱巾篋歸田

日追詠公歡每自娛

上巳聞苑中樂聲書事

王安石

苑中誰得從春遊想見漸臺瓦欲流御水曲隨花影轉宮雲低  
繞樂聲畱年華未破清明節日莫初回被襖舟更覺至尊思慮  
遠不應全為拙倡優

禁中春寒

王安石

青一作浮烟漠漠雨紛紛水殿西廊北苑門已著單衣猶禁火海

棠花下怯黃昏

和御製上元觀燈

曾鞏

翠幟霓旌夾露臺夜涼宮扇月中開龍銜燭抱金門出鼉負山

詩林龍護卷第十二 節序

十一

趨玉座來碣極戲添夷客喜柏梁篇較從臣材共知天意同民  
樂願奏君王萬壽盃

和史館相公上元觀燈

曾鞏

九衢仙仗豫遊歸寶燭星繁換夕暉傳醅未斜清禁月散花還  
拂侍臣衣天香暗度金蚪暎官扇雙開彩鳳飛法曲世人聽未  
足卻迎朱輦下端闈

上巳日瑞聖園錫宴呈諸同舍

曾鞏

非上郊原一據鞭華林清集綴儒冠方塘滄泮春先淥密竹娟  
娟午更寒流渚酒浮金鑿落照照庭花並玉闌干君恩倍覺丘山  
重長日從容笑語懽

上元侍飲樓上三首呈同列

蘇軾

澹月疎星繞建章，仙風吹下御爐香。  
侍臣鵠立通明殿，一朵紅雲捧玉皇。

薄雪初消野未耕，賣薪買酒看昇平。  
吾君勤儉倡優拙，自是豐年有笑聲。

老病行穿萬馬羣，九衢人散月紛紛。  
歸來一點殘燈在，猶有傳柑遺細君。

依韻恭和聖製上元觀燈

王珪

雪消華月滿仙臺，萬燭當樓寶扇開。  
鸞鳳雲中扶輦下，六龍海上駕峯來。  
鎬宮春酒霑周宴，汾水秋風陋漢材。  
一曲昇平人盡

詩林遺卷第十一節序

三

樂君王又進紫霞杯

上元進詩 并序

蔡襄

臣伏覩法駕特御端闈，宣諭臣僚。上元觀燈，不爲遊賞，蓋與民共樂也。臣職在文字，恭惟德音，宣布睿旨，感詩人揄揚盛美，輒成短章，上千宸覽。臣無任惶恐戰越之至。

疊聳青峯寶炬森，端門初晚翠華臨。  
宸遊不爲三元夜，樂事還同萬衆心。  
天上清光畱此夕，人間和氣閭春陰。  
要知盡慶華封祝，四十年來惠愛深。

寒食樂詞

蔡襄

皇州令節已藏烟，帝渥乘時錫廣筵。  
和氣去添春色重，恩光來

助日華鮮千聲鳳吹朱門裏一道花香毅雨前更喜簪裳嘉宴  
日親逢千羽治平年

西城宴集元祐七年三月上巳詔賜館閣官花酒以中

澣日遊金明池瓊林院又會于國夫人園會者二十

有六人二首

秦觀

春溜泱泱初滿池晨光欲轉萬年枝樓臺四望烟雲合簾幕千  
家錦繡垂風過忽聞花外笑日長時奏水中嬉太平誰謂全無  
象寓在羣仙把酒時

次王敏中  
少監韻

宜秋門外喜參尋豪竹哀絲發妙音金爵日邊棲壯麗彩虹天  
際卧清溪已煩逸少書陳迹更屬相如賦上林猶恨真人足官

詩林龍漢卷第三 節序

三

府不如魚鳥自飛沈

次王仲至  
侍郎韻

次韻東坡上元扈從三絕

秦觀

赭黃織底望龍章不斷惟聞蠟炬香一片韶音歸複道重瞳左

右列英皇

端門魏闕鬱崢嶸燈火成山輦路平不待上林鶯百轉教坊先  
已進新聲

仗下番夷各一羣機泉如雨自續紛細看香案旁邊吏卻是茅  
家大小君

六月二十一日子文待制見訪熱甚追記館中納涼故

事漫成一首

韓駒

漢閣西頭千步廊與君長夏對胡牀陰陰檜色連宮草寂寂蒼  
聲度苑牆細乳分茶紋簾冷明珠擘茨小荷香身今老病投炎  
瘴最憶冰盤貯蔗漿

元日

任伯雨

憶昔東班賀紫宸和風佳氣淨無塵龍墀初下觚稜日雉扇齊  
開玉座春接武九霄曾近侍投荒三載作流人窮通忤合雖天  
理俯仰尋思不爲身

前歲冬至與胡邦衡小語端誠殿下道直下舊事今年  
邦衡舉易緯六日七分之說輒用子美五更三點爲

對後數日得劉文潛運使書記去年館中團拜人今

詩林韻藻卷第二 節序

五

作八處感歎成詩

周必大

青城小語慶新陽共向紅雲拜玉皇六日七分驚歲月五更三  
點憶班行屬車誰從黃麾仗釣艇還飛白羽觴猶憶去年三館  
客十人八處更相望

冬至日天慶觀朝拜雲日晴麗遙想郊禋慶成作歡喜

口號

范成大

浙浙霜風不滿旗紫烟黃氣捧朝曦五更貫索埋光後萬里鉤  
陳放仗時畱滯周南無舊事布宣漢德有新詩豐年四海皆溫  
飽願把歡心壽正危

壬辰天中節赴平江錫燕因懷去年以侍臣攝事捧御

杯殿上賦二小詩

范成大

去歲排場德壽宮，熏風披拂酒鱗紅。  
小臣供奉金龍醖，親到盧  
皇玉座東。

天中繳動玉輿來，萬歲三聲徹九街。  
想見牙牀當殿過，舜裳雲  
委拜堯階。

巳酉元日

陸游

夜雨解殘雪，朝陽開積陰。  
桃符呵筆寫，椒酒過花斟。  
巷柳搖風早，街泥濺馬深。  
行宮放朝賀，共識慕堯心。

冬至節後賀皇太子及平陽郡主

楊萬里

長樂鐘聲遶夢驚，建章星影照人行。  
千官燈語聽殘點，一夜霜

諫叢書卷第十二 節序

三

寒在五更金鑰玉，開北闕銀鞍絲控謁。  
東明青宮朱邸環，天  
極五色祥雲覆帝城。

歲莫直舍感懷

姜夔

歲莫坐公館，永懷時序遷。  
雪消殘臘外，春到早梅邊。  
夜色侵烏鵲，年光送管絃。  
無人同晤語，輸寫賴詩篇。

皇帝閣

劉焯

當宁求賢軫慮長，每因佳節憶沈湘。  
不須五色紉成綫，自有忠  
言補舜裳。

宮夏三首

真德秀

瑤池十丈藕花香，清賞猶便水殿涼。  
聞說內家多富貴，冰盆浸

果侑霞觴

水晶簾卷午風輕萬壑清寒凌室冰閑奏熏絃思解慍宵教人  
世濁炎烝

午漏遲遲滴玉壺清陰幕幕布庭除直將底事銷長日大學中  
庸兩卷書

中秋應制

金趙 風

秋氣平分月正明蕊珠宮闕對蓬瀛已驅急雨消殘暑不遣微

雲點太清簾外清風飄桂子夜深涼露滴金莖聖朝不奏霓裳

曲四海謳歌卽樂聲元遺山中州集注云史舜元嘗從文孺學

賦詩以清字爲韻陵讀至落句大加賞異手酌金鐘以賜且字

詩林韶濩卷第三 節序

圭

君父字呼臣下  
不爲無故也

中秋應制

閻長言

璧月當秋夜未闌漢宮高會浹宸宸歡塊蘇塵世三千界珠翠瑤

光十二欄桂實飄香浮壽筇露華零潤溢仙槩都人側聽雲韶

奏共指天家是廣寒

冬夜直宿省中

龐 鑄

更散庭空宿鳥過凍吟聊復戰詩魔陶泓面冷真堪唾毛穎頭

尖漫費呵畏事正宜賓客少不材偏覺薄書多西窗燈暗尊無

酒奈此迢迢夜漏何

詩林韶濩卷第十二終

